





48

A

BERNARD M. ROSENTHAL, INC.

BOOKSELLERS

251 Post Street, San Francisco, California 94108

Telephone (415) 982-2219

BALBINUS, BOHUSLAV, S.J., 1621-88.


Vita S.Joannis Nepomucenis, sigilli sacramentalis protomartyris, nunc aucta ex actis processuum, i $\frac{1}{2}$ saque solemnitate canonizationis. With 33 full-page engraved plates (incl. engr.title) by J.A.Pfeffel. 2 leaves, 76 pp. 19.2 cm, old (prob.contemporary) leather-backed marbled boards; rubbed, spine partly torn. Augsburg: Pfeffel, 1730.

devoted A native of K~~ön~~iggratz, Balbinus entered the Jesuit novitiate in 1636, and ~~XXXX~~ his entire life to his studies and publications -- DeBacker/Sommervogel lists over thirty titles, not counting unpublished MSS (based on Balbinus' bibo-bibliogr.in vol.ii of the Bohemia docta).

of St.John Nepomuk (1345-1393), national saint of Bohemia, was martyred following a dispute between King Wenceslaus IV and the archbishop of Prague. But "it appears certain that the person canonized in 1729 was not the historical John of Pomuk or Nepomuk". ~~THE KINGGRAPHY~~ His canonization ~~WAS XXXXX~~ was strongly supported by the Jesuits, who hoped that his new cult in Bohemia would obliterate the memory of Jan Hus. Almost half the text is taken up by material related to the canonization proceedings.

The beautiful full-page plates illustrating St.John's life from infancy to sainthood, are the work of J.A.Pfeffel.

Two 18th-cent.owners' names, exlibris of the Dominicans of Woodchester. A few light stains but



internally a nice copy.

DeBacker/Sommervogel i,792,etc; Enc.Brit.11th ed.vol.19
(cited above).

Ex libris Jos. Synod. gläuber Syntax. Min. Ludwig Dillingen.
1750.

Transit ex dono

Ad Ernestum Dominicum Mayer 1734.



VITA
S. JOANNIS
NEPOMUCENI
SIGILLI SACRAMENTALIS
PROTOMARTYRIS

CONSCRIPTA PRIMUM

P. BOHUSLAO^A BALBINO S. J.

NUNC AUCTA

EX ACTIS PROCESSUUM,

IPSAQUE SOLEMNITATE

CANONIZATIONIS
EJUSDEM S. MARTYRIS:

ILLUSTRATA ICONISMIS XXXIII.

PRÆCIPUA DIVI ACTA EXHIBENTIBUS,
SECUNDO INCISIS, AUCTISQUE,

ANNO, QUO


BEATVS NEPOMVCENVs. FESTO IOSEPHI SACRA
APOTHEOSI DONATVS FVIT.

CUM LICENTIA SUPERIORUM.

AUGUSTÆ VINDELICORUM

SUMPTIBUS ET CURA JOANNIS ANDRÆ PFEFFEL,
CÆSAREI CHALCOGRAPHI, 1730.





VITA
S. JOANNIS NEPOMUCENI
ECCLESIAE METROPOL. PRA-
GENSIS S. VITI CANONICI,
PRESB. ET MART.

Authore

BOHUSLAO BALBINO S. J.
Actis Sanctorum ab Hagiographis Socie-
tatis Jesu Antverpientibus ad diem
16. Maji inserta.

P R O L O G U S.

I. **N**Ullum umquam tam infelix, tam bonis inimicum, ac
tanta sterilitate damnatum Christianæ Reipublicæ
seculum illuxit, in quo nasci & crescere pietas &
virtus non possent: imò quæ deteriora fuere tempora, ea-
dem feraciora fuere sanctitatis: adversa enim virtutem non
opprimunt, sed faciunt, & factam corroborant. Quod vel
in Bohemia nostra Wenceslai, Caroli IV. degeneris filii,
Regis ac Cæsaris Imperium satis ostendit: qui cùm Prin-
ceps esset ignavissimus, idémque in luto sanguine macerato

PROLOGUS.

(quod ei & in baptismo, & postea dum infans coronatur, ominosè contigisse scribit Paulus Zidets in Chronico Bohemiae M. S.) federet, id est libidinosè & crudeliter regnaret; tamen in tanta universi regni à capite suo corruptela, Ecclesia Bohemica, & præcipuè Pragensis Metropolitana, tam insigni numero virorum, summa generis claritate, doctrina, rebus fortiter pro Ecclesiae immunitate gestis, vitæ innocentia ac sanctimonia, cæterisque magnorum Sacerdotum virtutibus eo tempore abundavit, ut non ferrea, vel lutea; sed aurea & gemmea Ecclesiae tempora rediisse viderentur. De his illustribus Pragensis Ecclesiae viris in historia Metropolitana Pragensis Ecclesiae egimus: nunc S. Joannis Nepomucensis vel Nepomuceni vitam & mortem felicissimam brevi compendio complectar, idque in arcani Confessionis Sacramenti (cui ille vitam suam impendit) honorem & gloriam. Ac nihil ego quidem dubitem, tanti Martyris Vitam pridem conscriptam in antiquitate fuisse: at hæresis, quæ S. Joannis mortem paulo post excepit, iisdem flammis, quibus templa & cœnobia omnia apud nos considerunt, corrupisse videtur. Quæ igitur de sancto Martyre adferemus, in manuscriptis plurimis ea ætate viventium hominum (quorum mihi suppetit copia) tum in typo expressis codicibus reperia, & in usum summa fide & religione collecta, non tam diligentiae cuicui meæ, quàm felicitati, quòd inventa sint, adscribantur.

*Conceptit filium
in Senectute sua
Luc. C. 1. v. 36.*





CAPUT I.

Pueritia S. Joannis, Sacerdotium & cetera munia.

2. **N**atus est S. Joannes Nepomucensis in Bohemiæ oppido Nepomuk, vel (ut veteres appellabant) Pomuk, in Pilsnensi regione, Praga distans Bavariam versus magnis decem milliaribus. Oppidum Nepomuk argenti fodinis quondam nobile, tum religionis antiquæ vestigiis, nec minùs Monte, qui oppido incumbit, & Viridis dicitur, celebratum est: quòd nimirum in eo monte (ut ex Annalibus Bohemicis constat) S. Adalbertus Pragensis Episcopus, Româ ad Bohemos gentiles suos rediens, multis annis negatam Bohemiæ pluviam, sanctissimæ Crucis signo, cum bonis precationibus in campos latè jacentes efformato, statim cœlo deduxerit; ac primum hunc montem, totam deinde reliquam Bohemiam gratissimo surgentium herbarum virore recrearit; unde etiam Pomok vel Pomuk, ab immadescendo, loco nomen datum existimo. Quo anno S. Joannes editus in lucem sit, scire non possumus, ex ætate reliqua suspicamur, inter annum M. CCC. XX. & XXX. ortum esse. Parentes, oppidani & mediæ fortunæ fuerunt, pietate magis quàm genere & opibus illustres. Pietatis hoc indicium est, quod ætate jam senectâ, cùm prole omni carerent, precibus & votis fufis ad Dei Matrem (quæ in statua sua sub Viridi-monte in Cœnobio Cisterciensium, non ita procul Nepomuko, religiosè à populo colebatur) impetrarint filium; cui, ut affectus erga Mariam Dei Matrem ipso nomine

mine admoneretur, Joannis imposuere nomen. At non uno beneficio contenta Virgo Mater, quæ nuper ex utero sterili Joannem eduxerat, & propè creaverat, eadem recreavit: nam cum puel-
lus Joannes in gravissimum incidisset morbum, voto ad ejusdem Divæ Virginis simulacrum à parentibus edito, & promissis in æta-
tem reliquam pro filio obsequiis, protinus surrexit incolumis.

3. Sed ante id quoque servi sui sanctimoniam & cœlestem vitam cœlesti indicio comprobaverat DEUS: nascente enim Nepomuci Joanne, serenissimæ quædam flammæ, coelo visæ descen-
dere, amabili & innocenti luce, gratissimo civitati spectaculo, totam domum, in qua Joannes nascebatur, circumfuderant. Hoc flammæ augurium sanctissimis quibusdam viris in ortu concessum, S. Joannes noster tota reliqua vita, ardentissimis ad populum sermonibus, & ignitis ad Deum precibus approbavit: eadēque flammæ cœlestes etiam mortuum sunt comitatæ, & mersum in fluminis alveo prodiderunt. Sed in historia præverti non decet. Puer Joannes, ut primùm scholis admotus est, formulam divino sacrificio ministrandi exactè perdidicit; eaque in usum deducta, nullo postea impellente, quotidie cum prima aurora ex oppido ad Cisterciense Cœnobium decurrere, omnibus ex ordine quot-
quot sacra facerent Sacerdotibus ad aram ministrare, consuetudi-
nem sibi fecit; tanta tamque pertinaci pietate, ut jam velut do-
mesticus & Sacrificiorum stabilis administer inter altaria versaretur. Quo, parvo quidem in speciem, sed non planè futili ad extremum argumento, magnum aliquid se jam tum in puero Joanne videre prudentes credebant.

4. Erat ei, cum dulci & rosea quadam ac pudibunda pieta-
te, acre, vividum & igneum quoddam ingenium; cui ut paren-
tes crescendi darent copiam, Zatecium ad celebres ea tempestate
Latinitatis Scholas miserunt. Hic prima latinæ grammaticæ ele-
menta, ac reliquas annis sequentibus humaniores disciplinas, egre-
gio profectu & rara ingenii commendatione percepit. Præcipue
juve-

*Neque herba, neque
malagma sanant.
Sup. C. 26. v. 22.*



*B. Ioannes a
Crucis Carmel.
puer a Maria
a morte pro-
curatus.
Mort. Ord. Car-
mel. 14. Dec.*

*Puer Ioannes ope B. V. de monte
viridi è gravi morbo convalescat.
Vit. n. 2.*

*Ven. Ioannes
de Lourdes
Ord. Carmel.
B. M. V. de
requiemus
Luce. 11.
Hong.*







juveni ad bonas spes genito eloquentiæ studium placebat, ad quam eum natura ipsa conformarat & finxerat : plerumque enim genio cujusque impellente id in studiis nostris sequimur, quod nos assequi posse confidimus : sine spe captare profectum, irritus labor est. Cùm jam Zatecii (urbs est Bohemiæ celebris) nihil restaret discendum, ad altiores scientias, neque linguam tantùm, sed pectus ipsum excolendum, Pragæ Joannes contendit. Paulo ante tempora Universitatem Studiorum Pragæ excitarat Carolus IV. Imperator & Bohemiæ Rex : & conquestis ex omnibus litteratis Urbibus, Parisiis, Bononiâ, Paduâ Magistris, omnis doctrinæ divinæ & humanæ Scholas aperuerat. Ad eos igitur sese Joannes noster applicuit, ac primùm Philosophiæ Magister inter primos, tum Theologiæ ac Sacrorum Canonum & Decretorum creatus est Doctor. Theologiam ad Ecclesiam Collegiatam S. Apollinaris in Nova - Urbe Pragenſi (ubi ea frequentissimè docebatur : nam ex vicina Wissehradenſi Ecclesia Clerici omnes huc itabant) audivisse constat, sub optimis Magistris ; ceteras scientias in quibus Collegiis perceperit, incertum est.

5. Jam pridem ex quo dare litteris operam cœperat Joannes, ad Sacerdotium & animarum obsequia vocari se senserat : ardentius, cùm jam prope metam esset, ad id etiam ferebatur. Quamvis verò studiis litterarum pietatem & virtutem semper conjunxerit ; tamen cùm existimaret, quò quis magis ab animi cultu comparatus ad suscipiendos Sacerdotum ordines accesserit, eò postea felicius in animarum salute versari ; integrum mensem ab omnibus profanis negotiis vacuum, Sacerdotio præmisit : quem mensem totum in afflicto corpore, repurganda conscientia, impetrandis cœlestibus ad tantum tamque divinum munus auxiliis, piisque commentationibus & consiliis in futurum, traduxit. Ex hac solitudine egressus, & sacris initiatus Ordinibus, cùm nullas ad populum phaleras & multa dicta, ut ait Comicus, sed Spiritu divino animata verba & cœlestia sensa, velut hastas amentatas, aut potius

tiùs ipsos currus falcatos in subjectam concionem ex alto immitteret, & regnaret in animis, ex auditorum commendatione, motu, lacrymis, & magis emendatione vitæ, magnam paravit sibi auctoritatem, & brevi præstantis Ecclesiastæ nomen apud Pragen-
ses est adeptus. Itaque approbatione omnium Joanni in basilica Beatissimæ Virginis ante Latam-curiam (vulgo Teinam vocant) in antiqua urbe Pragensi, primario urbis loco, concionandi munus imponitur. Difficile esse potuisset, auditores jam pridem maximis & disertissimis viris assuetos tenere dicendo. Succedebatur Conrado de Stiekna, quem unum ætatis suæ eloquentissimum Pragen-
ses fuisse crediderant: succedebatur Joanni Milicio, non ita pridem extincto, quo dicente, unà omnes matronæ Pragen-
ses vestium luxum abjecerant, meretrices poenitentes magno numero coenobiis sese incluserant, lupanaria cives ipsi dejecerant. Tamen Joannes noster omnem illam populi expectationem implevit, & desideria superiorum concionatorum extinxit, prudentissima modestia semper abstinens à contentioso dicendi genere, & invidiosis in Ordines Mendicantes investivis, quod magnis illis quos modò nominaveram Ecclesiastis, ut tum erant tempora, grave apud multos odium, Romæ accusationes, ac propè exitium legimus attulisse.

6. Jam S. Joannis labor, doctrina, virtus, & parta tot meritis apud omnes auctoritas altiore merebantur gradum. Itaque Joannis Archiepiscopi commendatione, de communi sententia, in Canonicorum Collegium sanctæ metropolitanæ Ecclesiæ Pragensis adlegitur; simulque ei in eadem S. Viti Ecclesia ante Cæsarem concionandi defertur provincia. Primum illum honorem diu recusavit S. Joannes, diuque cum beati viri modestia pugnatum est; cum verò se eo loco indignum diceret, omnium tamen vocibus superatus est, clamantium, Tantò meliorē & digniorem esse, qui non ut ceteri honores quæreret, sed ab honoribus quæreretur. Compluribus igitur annis in Ecclesia S. Viti Bohemici
Eccle-







Ecclesiastæ munus S. Joannes jam Canonicus obiit: cùmque non modò Rex & aula universa, sed iidem, qui olim in Tein concionantem audierant, sequebantur. Præcipuum concionum argumentum poenitentia scelerum fuit; tum adversus licentiam nobilium & Aulæ, adversus ebrietatem quæ tum invaluerat, adversus luxum ac ceteros corruptissimi illius seculi mores contentio, & poenarum cœlitis insignendarum repræsentatio. Nondum Wenceslaus Imperator ad inum malorum devenerat. Itaque viri doctrina, sapientia, & interioribus litteris captus, & eloquentia victus, audito Joanne multa faciebat.

7. Tradunt veteres memoriæ, cùm fortè per id tempus Sedes Episcopalis Litomislîi in Bohemia vacaret, Joannem à Rege ad eam Cathedram ante omnes fuisse destinatum: at is multis in speciem probabilibus causis allatis, Cæsarem ab ea cogitatione dimovit. Præpositi exemptæ Ecclesiæ Wissehradensis dignitas eo tempore in regno par erat dignitatibus primis: Princeps regni Cancellarius, primus post Archiepiscopum regni Præpositus Ecclesiæ illius (quæ ingenua uni Romano Pontifici immèdiatè subjecta est) habebatur: adde opum ingentem vim, nam annui proventus ad octoginta florenorum Hungaricorum millia ascende-
bant: summa profectò præstans, quæ, nondum apertis navigatione Indiis, alterum tantum hodie conficeret. Hæc ipsa dignitas Præpositi à Wenceslao Rege ac Cæsare S. Joanni oblata est, sed & hanc repudiavit, quod abstrahi a lucris animarum & à sacris concionibus, quibus inflammabat omnes, gravissimum duceret. Sed Eleemosynarii munus (dignitas est in Aulis Regum usitata & gratiosa) à Rege & Regina magno honore & comitate verborum oblatum, ne omnia aspernari videretur, & honorum contemptio in superbiam verteretur, accepit: eoque in munere ita sese probavit, ut ejus dexteritatem & solertiam & integritatem aulici, misericordiam pauperes, prudentiam & in distribuendo justitiam commendarent omnes.

8. Crescebat in dies viri sancti auctoritas: itaque Imperatrix Joanna nomine, Alberti Bavarix Ducis & Hollandix Comititis filia, matrona candore animi, morum innocentia, pietate ac ceteris Reginarum virtutibus spectatissima, quæ S. Joannis sacra dictione mirum in modum tenebatur, & validissimè ad omnem virtutem incitari se sentiebat, hunc sibi conscientix suæ arbitrum, hunc vitæ magistrum, hunc patrem delegit. Valuit ad plures exemplum. Religiosæ Virgines in Parthenone sacro ad D. Georgium in Arce Pragensi, & ipsæ S. Joanne ducente & docente ad summum religiosæ perfectionis apicem, non tam passibus, quàm volatibus ferebantur. Veteres quædam memoriæ addunt: S. Joannem Metropolitanæ Ecclesiæ Decanum electum esse hoc tempore. At cum inscriptio Sepulcri hoc titulo careat, & meliores codices non subscribant, credibile est, errorem subesse. Id certius: in S. Joanne sanctam Pragensem Ecclesiam oraculum quoddam doctrinæ, atque, ut sic loquar, sententiarum Magistrum habuisse. Tanta enim erat de viri virtute & sapientia apud omnes existimatio, ut quidquid S. Joannes consultus statuisset, id partes velut æquitatis plenum probarent, ac sine contradictione sequerentur. Atque ejus rei veteres quidam codices faciunt fidem, ubi in causis difficillimis, quæ per sententias Judicum diu finiri non poterant, Joannes Nepomucenus senior (nam alter Joannes Pomuk Decretorum Doctor, Canonicus Wissehradensis & Archidiœceseos Vicarius Generalis, primùm post S. Joannis mortem florere cœpit, post annum M. CCC. XCVI.) noster, inquam, S. Joannes arbiter, atque ut illi loquuntur, laudator eligitur, idque Beatum virum fiducia doctrinæ & pacis amore sapius suscepisse, ac liberè pronuntiasse, ex sententiis ipsis, quæ recitantur, cognoscimus.





CAPUT II.

*S. Joannis ob servatum Confessionis arcanum
frustra torti ac demum in flumen merſi
exequie.*

9. **I**Nterea Wenceslaus Cæſar (ut lubrica omnis nequitia eſt, & in deſcenſum & caſum præceps) quotidie ſeiſpo evadebat deterior. Reginam Joannam, quam præſentem oderat & ferre non poterat, eandem abſentem miſerè deperibat. Pravum de ſe & præpoſtera educatione corruptum Wenceslai ingenium (ut fert multorum opinio) philtris quibusdam magicis efferaverant, & prorsus inſanum ex pravo fecerant, ſclerum regiorum adminiſtri. Non eſt hic locus licentioſam illam, cruentamque & maculis foedè notatam regis vitam deſcribendi : Annales eorum temporum conſulantur. Annus agebatur poſt Chriſtum natum M.CCC.LXXXIII. Regina, Wenceslai quotidianis ſcleribus offenſa, cùm nullum amplius ex Rebus humanis Solatium caperet, neque per mariti ſuſpicioſos oculos capere poſſet, crudelitatem ejus perhorreſcens (maximè quod etiam menſam dapésque regias, cædibus procerum & ſanguine reſpergere pro deliciis & belariis habebat) quod tutiſſimum videbatur, omnem mundi amorem abjicere, uníque ſe Deo totam (quantum vita conjugalis ſineret) donare conſtituit. Nulla res ita animum divino amore ſemel occupatum Deo adſtringit, quàm gravis, diuturna, & quam tuo capiti continenter impendere videas, calamitas. Itaque Regina ſacrum tribunal adire frequentiùs, cum lacrymis minimas quasque labeculas aperire, afflìctare ſeſe, egenorum curam ſuſcipere, iis que dum liceret, miniſtrare, Deum aſſiduè cogitare, præcari, ut meliorem conjugii mentem daret, diu noctíque orare.

10. Quod

10. Quod Wenceslao, si saperet, placere debuerat, id vertit in odium; incessit deinde libidinosum & ex libidine furiosum Regem cupido, si quo pacto rescire posset, quid Regina ad Sacerdotem expiandum afferret, quas præcipuè noxas haberet, quid de marito unquam cogitaret, an quem alium amaret, aliæque hujusmodi, quæ sibi stulta tyrannis, amore accensa, & suspicionibus cincta, potest & solet confingere. Sed hæc ab ipsa Regina interrogando exprimere frustraneum erat. Vocat S. Joannem, quem unum omnibus Reginæ consiliis intimum esse sciebat. Post multas verborum ambages, quasi aliud ageret, mentione Reginæ injecta, paulatim ad Confessionem sacram delabitur; uxorum eam esse conditionem & subjectionem, ut earum omnia maritis nota esse oporteat, maximè in familiis Regum ac Cæsarum; opes deinde, honores & quidquid felicitatis unquam Joannes exspectare posset, verbo regio pollicetur, si induceret in animum, vel pauca, quæ Joanni Regina in sacro Poenitentiae tribunali aliquando aperuisset, uni sibi concedere; id verò sibi pro omni, in tot Regiis Cæsareisque curis, solatio fore. Exhorruit ad sceleratas preces vir beatus, & gravi liberæque oratione quantum crimen posceretur ostendit; damnaret proinde curiositatem suam Rex, & quod fieri non posset, desiderare omitteret. Commovit objurgatio sancta sulphuratum; ut ita dicam, Principem: repressit tamen sese, cum cogitaret, sæpe qui in primo assaultu & hostium conatu fortes sese probârint, ad secundum, & tertium mollescere ac vinci; primam hanc admotam esse machinam, quæ si non processerit, fortiores se admoturum, quæ etiam nolenti victoriâ faciliè extorqueat.

11. Nec diu absuit, quod ægrum animum exulceraret magis. Fortè cocus regius caponem malè assum ad mensam Regis miserat. Ea res improvisa in tantam egit rabiem Wenceslaum, ut naturæ humanæ & omnis humanitatis oblitus, cocum protinus alligatum verubus, flammis admoventi jussit. Perculsi barbara crudelitate aulici omnes horrebant, pallebant, sese mutuò intuebantur:



*Judicium determinat cau-
sas: et qui imponit silentium,
iras mitigat.
Prov. C. 26. v. 10.*



*S. Iustinus a.
S. Basilus
Or. S. Aug.
in archiep.
de discipl.
muse episc.
Pol. as. Aug.*

*Saepe est difficultas causarum
litiumque arbitri a partibus
lectus. Vit. n. 8.*

*S. Iustinus
Or. S. Aug.
in archiep.
de discipl.
muse episc.
Pol. as. Aug.*





bantur: videbant, si quid paululum titubassent, eadem sibi supplicia constituta: Sed nemo erat, qui crudelitati Regiæ intercederet. Unus S. Joannes, qui tum versabatur in aula, & filere & loqui in tempore doctus, postulato & impetrato ad Cæsarem aditu, verbis primùm mollibus negotium tractare; cùmque apud iratum & impotentem Principem nihil valerent, gravioribus sententiis facti atrocitatem explicare cœpit. Paucissima protulerat: confestim irritabilis & crudelissimus Princeps Satellites inclamat, nullaque Sacerdotalis Ordinis reverentia, nullo etiam ad seipsum & majestatem regiam respectu, Joannem rapi, & in ultimos carceres trudi jubet. Ibi aliquot dies squallore & horrore loci, tristissimisque tenebris, tum fame & siti propè enectus exegit; in Deo solo acquiescens, eoque latus, quod pro ejus honore & amore dignus esset habitus & carceres & contumeliam pati. Non ignorabat S. Joannes, quò Regis ira spectaret: nam etiam carceris custos monuerat, unam esse salutis viam, si Cæsari morem gereret, & ad ejus se voluntatem accommodaret. At Sanctus Martyr contra obfirmârat animum, & millies discerpi ac mori quàm verbum ex confessione sacra efferre decreverat.

12. Pauculi intercesserant dies, cùm ecce honoratus vir ex aulicis à Rege missus apparet, nuntiat; Regem eorum poenitere, quæ in Joannem illiberaliùs admisisset: proinde Cæsari petenti donaret injurias, oblivisceretur quæ gesta sint, ac liber abiret; sed ut firmior esset receptus ad gratiam, cras ad mensam Regis ne gravaretur accedere. Venit Joannes, summæque honoris significatione mensæ Regis adhibetur. Remotis mensis & arbitris, Cæsar iterum, cur ad se accersiri jussisset, aperit: quiescere se non posse, aperiat tandem quæ Regina in sacra exomologesi in aurem dixerit, ex ordine omnia; miscet blanditias, pollicetur silentium; modò dignitates & præmia offert, modò carnificinas omnes minatur: nolit iram prius experiri quàm gratiam. S. Joannes excelso animo honores perinde ac minas contemnere, Confessarii munus ex-

plicare, silentii sacrosanctam legem extollere, poenas temporales & sempiternas iis, qui secretum non tenuerint, paratas exaggerare; denique Regem monere, abstinere captandis, quæ uni Deo cognoscenda servantur; sine Sacrilegio talia tentari non posse; in ceteris omnibus Regis imperia adorare se, unum hoc deprecari, quod si mille mortes subeundæ essent, non faceret. Rex iracundia ardens, sine mora carnificem (quem semper habebat ad manum, & patrinum per delicias appellabat) cum sociis adesse jubet: à quibus in carcerem tractus crudelissimè in catasta jussu Regis extenditur, & facibus admotis torquetur. Adfuisse supplicio Cæsarem (etsi id à nemine traditum legerim) cetera ejus vita probabilem conjecturam facit; quòd ejusmodi spectaculis oblectari & oculos pascere solitum accepimus, tum etiam quòd sine dubio speraret in tormentis auditurum se tandem, quæ numquam antè Joannes in publicum efferre voluisset. At vir Sanctus & Christi Martyr, abstracta quantum licuit à suppliciis præsentibus mente, sacra JESU & Mariæ nomina ingeminans, nullum aliud verbum prolocutus, dolores omnes suos, vitam & mortem Domino commendabat. Nihil sibi diligentiae ad summam diritatem reliquum fecère cruenti carnifices, præsertim Cæsaris urgente præsentia: omnis tamen illa carnificina intra S. Joannis patientiam fuit. Denique cùm proficerent nihil Cæsare ipso abeunte, fessi & victi desistunt, ac de catasta depositum deferunt. Veteres codices coelesti consolatione recreatum Joannem tradunt: at qualis ea consolatio fuerit, an interna quædam ad animum divinitus illapsa, an etiam externa, ex sanctorum Angelorum colloquio, aliòve coelesti aspectu (ut sæpe aliis viris sanctis evenire in eorum gestis legimus) non explièuerunt.

13. Post hæc Imperator, sive ne qua res emanaret veritus, sive Imperatrice agente; quæ fortassis beatum virum attrineri inaudierat, quem ipsa patris loco habebat; Joannem dimittit. Joannes, quasi nihil injuriæ passus, omnes illos dolores & cruciatus silen.

*Cum corripitur ab il-
lo — de omnibus malis,
quæ fecit Herodes; — in-
dunt Ioannem in carcerem.
Luc. C. 3. v. 19. et 20.*



*Vin. Lantini
Fecit. P.
R. H. H. H.
V. H. H. H.
R. H. H. H.
S. H. H. H.
P. H. H. H.*

*Cæsarem, quòd cognovit ob ma-
le asiam caponem asurum pueri,
set, reprehendit, ideoque carceri
datur. V. n. 11.*

*S. Ioannes
Baptista
qui carcerem
inducit
herodem
et eum
in carcerem
datur.*

lento concoxit, nulli suorum aperiens: & curatis quæ tormenta fecerant, vulneribus, processit in publicum; tum vetera sua munia, majori quàm unquam antè spiritus ardore cœpit repetere, eo pacto sese comparans ad mortem, quam vel cœlesti admonitu, vel ex ipsa importunissima Wenceslai Regis natura & humani cruoris avidissima iracundia, paulò pòst inferendam sibi dubitare non poterat. Ad stationem itaque suam reversus, cùm ad concionem in Ecclesia S. Viti diceret; verba illa Christi, Modicum videbitis me, &, jam non multa loquar vobiscum identidem repetens, vultu læto & facili, mortem sibi, pro Christi & Ecclesiæ legibus oppetendam, disertè prædixit: tum cœlestibus oraculis patefacta semel via, spiritu prophetico plenus, lacrymis ubertim fluentibus, futurum Bohemiæ statum, & venturas brevè calamitates cœpit describere: hæresin ab inferis suscitandam, cui sacra & profana perinde essent, nullúmque facerent discrimen; ecclesias omnes & cœnobita per Bohemiam arsuras, quædam etiam dejicientibus manibus; sacros & religiosos viros omnibus tormentis excruciatos perituros; denique exitium universæ Religionis instare. Poene incredibilis res visa, felicem eo temporis Ecclesiæ Bohemicæ statum, & opibus & potentia summa florentem Religionem cogitantibus. Extrema oratione vale omnibus dixit, ac præcipuè à Prælati & Canonicis Ecclesiæ Pragensis humillimis verbis veniam poscens, & se vitamque suam ac vitia multis accusans finivit, magno luctu, & in re tam nova & tot vaticiniis, cum admiratione omnium auditorum.

14. Paucis post diebus S. Joannes Boleslaviæ, ad antiquissimam totius Bohemiæ Divinæ Matris effigiem, à Sanctis Slavicæ Gentis Apostolis Cyrillo & Methodio Christianis traditam & commendatam, quæ eo loci religiosissimè colitur, iter suscipit. Hic quàm liquido pietatis & amoris sensu cœli Reginam (cui à prima ætate consecraverat sese, & in qua spes omnes suas habebat repositas) orarit, ut sibi paulò pòst morituro adesset, ut Filium

propitium redderet, quisque ex Joannis in Dei Matrem veteri amore, ex periculi ingruentis magnitudine, ex vicinæ mortis horrore, vel de se conjecturam facere potest. Pragam vespertinis horis revertentem Boleslavia Joannem, Wenceslaus Cæsar, tum fortè ut erat otiosus Princeps, è fenestra prospectans observat; recurrunt extemplo furioso Principi omnes illæ tristes de Regina Joanna Coniuge imagines, dolet acceptæ toties à S. Joanne repulsæ, neque jam animum regere poterat. Ergo non hominem, sed malum dæmonem spirans, mittit continuò qui Joannem accersant: neque multis, ut in præcipiti ira, verbis est usus: Audi, inquit, Sacerdos, moriendum tibi est: nisi è vestigio jam hic Coniugis meæ Confessionem, & quidquid umquam illa tibi confitens dixit, ex ordine exponas: actum est, peristi. Juro Deum, aquam potabis: mersionem in flumine ea voce volebat intelligi. S. Joannes, indignum ratus ea de re toties obtundi, non verbis, sed toto capite & severo vultu Sacrilegium averfatus est. Vix signum dederat Imperator, jam sanctissimum virum validissimi satellites circumstunt, Rege vociferante; atque inter manus in aliud cubile sublimem deportant. Vetusti codices significant silentium supplicio quæsitum, & vitatum esse populum, ne quis arbiter interveniret. Nocte igitur ad Pontem, qui Pragensi flumini Moldavæ impositus urbes duas Majorem & Minorem conjungit, deducitur; tum manibus & pedibus vinctis (quod disertè expressum legitur) in subiectum flumen ex ponte dejicitur in pervigilio Ascensionis Domini Anno M. CCC LXXXIII.

15. Mortem quam occultissimam esse Cæsar voluerat, cœlestia statim prodidère miracula. Ignes & flammæ, quæ olim S. Joannem nascentem significaverant, mortuum cinxerunt; totus continuò Moldava fluvius reluxit. Videre erat innumera, & miri candoris, lumina innoxie toto fluvio innatare, commodum enim id temporis excreverat flumen, & latius atque altius fluctus attollebantur, corpus verò S. Martyris, secundo flumine lentissimè descen-





descendens, numerosiores & exporrectæ magis comitabantur faces, inde aliæ aliæque faces sequebantur, quasi pompam funeris deducerent. Effusa ad spectaculum Pragensis civitas quid factum esset, aut quid fieret, cogitabat. Reginam quoque Joannam, ex arce Regia despectantem, & omnis rei hætenus ignaram, tam novum spectaculum attraxit. Cursu illa ad Cæsarem maritum contendit, miracula luminum ostendit, & innocenti simplicitate, quæ istud sibi ostentum velit, interrogat. Percussit illico animum sceleris conscientia, & viso cœlesti miraculo velut fulgere ictus propriuit ex conspectu sese, ac seu timore seu dolore, vero aut ficto, triduum publico abstinuisse dicitur, neminem nisi necessarium admittens. Tota illa nocte circum corpus Sancti Martyris luxerant flammæ, sed dies, quid factum esset, ostendit: jacebat in arena corpus exanime, suo in habitu, vultu placido ac renidenti, decen- tissime compositum. Statim tota urbe spargitur rumor, neque diu cædis auctor latere poterat, cum plura ejus crudelitatis Cæsar edisset exempla: ad hæc conscii, carnifices, aulici, satellites nesciebant tacere. Tandem ad Canonicos Metropolitanæ Pragensis Ecclesiæ atrocis rei fama pervenit. Ii protinus adornata supplicatione, sanctum Fratris sui corpus ex flumine summo honore levantes, ad proximam ecclesiam sanctæ Crucis, Religiosorum quos vocant de Pœnitentia, tantisper deposuerunt, dum gloriosius sepulcrum in ecclesia Metropolitana pararetur. Hæc Canonicorum pietas, cum insigni animi fortitudine conjuncta (quis enim cruenti & tam irritabilis Principis iram non pertimesceret, aut suspectam habere non posset?) sine præmio non fuit. Cum enim loculum in ecclesia S. Viti effodiunt, thesaurum divitem, & multa auri argenti- que talenta ac rerum ceterarum pretia defossa reperiunt; quasi sanctus vir, pro tumulo & sepucris honore, hanc ecclesiæ & Canonicis deputasset mercedem.

16. At inferius in sanctæ Crucis ecclesia innumera hominum vis ad sacrum corpus videndum affluxit, primusque ille cul-

tus Sancti Martyris à populo fuit: constantiam & fortitudinem de-
 prædicare, pedes manusque certatim osculari, ejus sese precibus
 commendare, sacrum corpus reverenter contingere nullum facie-
 bant finem, præsertim quod ipsa Ascensionis Domini dies à labo-
 ribus vacua, majus otium & facultatem præberet. Non ita se in
 familiares tenebras abdiderat Imperator, ut quæ circa corpus fie-
 rent, ignoraret. Itaque (ut sunt omnium, qui tyrannicos habent
 animos, suspiciosa & violenta consilia) ad religiosos illos viros
 sanctæ Crucis, satellites cum mandatis dimittit: nova re abstine-
 rent, tumultum non concitarent, arcerent turbam, & Joannis Ne-
 pomucensis corpus procul è conspectu in angulum aliquem abji-
 cerent. Factum, quod Rex imperarat, sollicitè: sed majore S.
 Joannis gloria: siquidem clausum corpus tantam ex sese cœlestis
 odoris fragrantiam effundebat, ut occultari non posset, magno-
 que iterum hominum concursu locus celebraretur. Jam parata
 erant funeri ducendo omnia, Canonici, Clerusque universus, co-
 mitante innumera populi multitudine, campanis tota urbe reso-
 nantibus, supplicationem instruunt, & beati viri corpus ex sanctæ
 Crucis ecclesia (tanto intervallo!) ad arcem S. Wenceslai in ec-
 clesiam Metropolitanam deportant. Obsequendum populo po-
 tenti fuit, rursusque aperta funerali arca ad venerationem osten-
 sus est. Ægros plurimos contactu sacri corporis curatos vetera
 manuscripta testantur. Tandem, ut aliquando finis fieret, huma-
 tus est cum lacrymis. Pauperes præcipuè, quorum erat pater,
 planxerunt: grandis lapis superiectus; inscriptio seriùs apposita,
 quam hodièque legimus; Honorabilis Dominus Magister Joannes
 Nepomucenus, hujus ecclesiæ Canonicus, Reginae Confessarius,
 quia sacrosancti Confessionis sigilli custos usque ad mortem fuit,
 à Wenceslao IV, Bohemiæ Rege, Caroli IV. filio, tormentis ten-
 tatus, ex Ponte in Moldavam præcipitatus, miraculis clarus, hic
 jacet sepultus. A. D. M. CCC. LXXXIII. Hactenus inscriptio.
 At Regina Joanna, posteaquam de morte S. Joannis, quem ha-
 bebat

Page 11
The first page

Published by the University of Chicago Press
The University of Chicago Press, Chicago, Ill.
1962





bebat pro Patre, triste nuntium accepit; eamque mortem sua causa à crudeli conjuge illatam animadvertit; cum præterea nullam ex tot & tantis malis evadendi viam cerneret, in gravem animi ægritudinem lapsa, carpi paulatim cœpit, & quarto abhinc anno, nulla edita ex se prole, contabuit, mortua anno M.CCC.LXXXVII. die 1. Januarij, ut contra Hagium ostendit Lupacius.

CAPUT III.

De veneratione & cultu, qui Joanni, velut Sancto & Martyri, ab omni memoria tribuitur.

17. **N**ON erit abs re forsitan, priusquam ad miracula S. Joannis percensenda veniamus, pauca quædam de publico ejus apud nos cultu præmittere. Sciendum in primis est, etsi S. Joannis memoria nullo neque Sacrificio, neque divino officio honoretur in templis (quod sine sanctæ Sedis Auctoritate fieri non solet) reliqua tamen omnia, quibus Divorum nomina consecrantur, ad sacrum ejus tumulum adhiberi. Itaque quoties ad salutandos sanctos Bohemiæ Patronos, Vitum, Wenceslaum, Sigismundum, Adalbertum, eorumque tumulos in Metropolitana ecclesia honorandos, Proceres, Nobiles, Sacerdotes, Prælati, Canonici, Religiosi, Matronæ, verbo, minimi maximique conveniunt, S. Joannis tumulum nunquam omitti videas. Hinc provoluti in genua supplicant, preces ad eum fundunt, ejus opem implorant. Suspensa est ad tumulum tabella, latino, Bohemico & Germanico idiomate, in qua oratio majusculis litteris ad S. Joannem Nepomucenum descripta est: eam recitare populus consuevit. Pendunt hinc inde cerea lumina, & varia anathemata; tum S. Joannis

nis imago radiata. Tumulus cratibus ferreis duplici ordine præmunitur: laminis depictis, in quibus Joannis nomen legitur, additur vox Martyris & Beati: lampas ab omni memoria tumulo imminet, ardētque: alias faces cereas ferè quotidiana piorum hominum devotio accendit: earum quædam humani corporis magnitudinem æquant: his facibus consumptis, novæ aliæ liberaliter apponuntur, ab iis præsertim, qui se ad S. Joannis tumulum cœleste aliquod beneficium accepisse lætantur. Serenissimus Leopoldus, Austriæ Archidux, candelabrum perelegans (de quo postea sermo recurret) huic Divo statuit, & in eo S. Joannis effigiem æream cum ceteris Bohemiæ Patronis affabre fieri fecit. Reges ac Principes nostri S. Joannem coluere semper: Ferdinandus I. Imperator, quoties Pragensem adiret ecclesiam, ante hunc tumulum genua ponebat: idem actitasse pium Principem Ferdinandum II. atque etiam III. multi meminerunt. Hic postremus, Cardinale Archiepiscopo Pragensi Ernesto II. in consilium vocato, sæpius de publico S. Joannis cultu, deque ejus ab Apostolica Sede petendo canonismo (ut vocant) egisse narratur: sed piam optimi Cæsaris mentem primum bella, deinde mors abruptit.

18. Jam verò imagines S. Joannis ari incisæ habentur in manibus: in his & Sancti titulus Joanni apponitur, & capitis apex ardens cœlesti lumine ac circumfusus radiis spectatur. Neque honores isti nuper inventi, novique dici possunt: sed jam ab ipsa statim morte, & ab omni memoria hodie viventium hominum, & ab omnibus impensi. In Sacratio Ecclesiæ Metropolitanæ Pragensis ara quædam est: super eam (ut fieri solet) depictæ in pariete antiqua manu Sanctorum Bohemiæ Patronorum, Viti, Wenceslai, Adalberti, ac ceterorum visuntur imagines: pictura (quod appositi indicant numeri annorum, & pingendi ipsa ratio seculis nostris ignota) centum & octoginta annos superat antiquitate. Has ergo inter imagines Divorum Joannes Nepo-

muce-

*Certus quid relox est
deposito tabernaculi mia
ragation quid et D.N.
I.C. sumificavit mihi.
2. Pet. C. 1. v. 14.*



*Ioannes coelitus recreatus mentem
prævidet, ad eamque se parat
devotissimus Crucifixu. Vis. n. 22. et 23.*



mucenus palmam sustinet manibus, radiato capite undique illustris. Neve dubitare possis, quem cogitarit artifex, & quem Canonici depingi jusserint; trabalibus litteris titulus legitur; S. Joannes Nepomucenus. Paucis passibus à S. Joannis tumulo in Ecclesia Metropolitana Pragensi capella seu Sacrarium est, pretiosis imaginibus ab arte, & mausoleo Berkarum Baronum Bohemiarum antiquorum spectabile: in eo Sacrario, sub marmore porphyretico altè educto, conditus jacet Joannes Wlaffimius, secundus ab Ernesto I. Archiepiscopus Pragensis. In capellæ altari venustissimo certis diebus Sacra faciunt Sacerdotes: altaris titulus manu propria Caspari Arsenii, sacrae Theologiæ Doctoris & Ecclesiæ Metropolitanæ Decani scriptus, hæc habet: Anno M.DC.XXI, XVI. Julii per Illustrissimum & Reverendissimum DD. Joannem, ejus nominis tertium, Archiepiscopum Pragensem, consecratum est altare in capella è regione sepulcri S. Joannis de Nepomuk, Confessarii, in honorem Visitationis Beatissimæ Mariæ Virginis, ac sanctarum Virginum & Martyrum Luciae & Otiliæ, nec non S. Clementis Papæ & Martyris, & S. Joannis Nepomuceni, in quo inclusæ sunt istæ Reliquiæ &c. Hanc tabellam Arsenii à se descriptam, nuper mihi dedit in manum Reverendissimus D. Thomas Joannes de Czechorod Metropolitanæ ejusdem Ecclesiæ Decanus, Archidiœceseos Pragensis Officialis &c. vir officio, libris editis, aliisque meritis clarus, eumque titulum in hanc historiam jussit imponi.

19. Jam & scriptorum nostrorum omnium, in asserendo S. Joannis Martyrio & sanctimonia, consentit auctoritas. Videatur Dubravius Olomucensis Episcopus, Hagecius Ecclesiæ Collegiatae Boleslaviensis Præpositus, pluresque alii. Simon Fagellus, Ecclesiæ Collegiatae omnium Sanctorum in castro Pragensi Decanus, qui ante centum & quod excurrit, annos de Sanctis Bohemiarum Patronis Hymnos scripsit typisque vulgavit, Hymnum unum cum titulo ad S. Joannem Nepomucenum concinnavit, versu

pro ætate illa non planè inveniſto. Georgius Bartholdus Pontanus, Metropolitanæ Pragenſis Eccleſiæ Præpoſitus, Joannem Nepomucenum Beatum Martyrem appellat. Eandem appellationem tribuunt ceteri ſuperiorum ætatum, atque etiam huius noſtræ ſcriptores; ut venerabilis Pater Albertus Chanowsky, vir Apoſtolicus (qualem Vita ejus nuper ab amiciffimo viro R. P. Joanne Tanner edita ſatis oſtendit) tum Georgius Ferus ejusdem Societatis, plurèſque alii.

20. Pridem narraveram S. Joannem Nepomuci in Bohemia ortum eſſe. Ex ea igitur domo, in qua Joannes primùm vitæ lucem aſpexit, oppidanorum pietas ſacellum S. Joannis honori ſtatim ab ejus morte exſtruxit: tradúntque veteres memoriæ, neminem in ea domo nocturnam quietem capere potuiſſe, omnesque inſomniis fatigatos ſemper coactos abſcedere, donec ea in Sacrum verſa fuiſſet. Noſtra ætate Illuſtriſſimus Baro Franciſcus de Sternberg, Nepomuci Dominus, R. P. Georgio Fero incitante, ſacellum hoc, vetuſtate paulatim concidens, totum dirui juſſit: novamque & formoſam eccleſiam S. Joannis Nepomuceniſis honori magnis ſumptibus exſtruxit. Benedici eccleſiam illam Erneſtus Archiepiſcopus Pragenſis & Cardinalis per alios voluit, cum ipſemet per invaletudinem adeſſe & conſecrare non poſſet. In ſumma novi hujusce templi ara S. Joannis imago radiata conſpicitur, atque in veneratione habetur. Per hanc recens exſtruſti templi cauſam idem R. P. Gorgius Ferus Anno M. DC. XLI. libellum edidit, quẽ Famam poſthumam S. Joannis Nepomuceni inſcripſit: in quo venuſtis imaginibus, ſummo pictore Carolo Scretæ Bohemo operam commodante, vitam & mortem S. Joannis breviffimis titulis triplici idiomate Latino, Bohemico & Germanico comprehendit. Aditur S. Joannis eccleſia multis ſupplicationibus: parochi à multis paſſuum millibus ad certam diem ab operibus vacuam, Dominicis inter Paſcha & Pentecoſten, populum adducunt: idque agitur à tempore immemorabili. Sacra de

*Duo rogavi te, ne desiger
mihi antequam moriar.
Prov. C. 30. v. 7.*



*Ioannes Boleslavium veterem pere-
grinatur, vitæ exitum Virgini Ma-
tri commendaturus. Vit. n. 14.*

*Sanctus Jo-
hannes Episcopus
præfatus, hunc
Matrem sua.
Ivan. 12.*

*Sanctus
Matrem sua
Ivan. 12. hunc
Episcopus dicit
Pater Familias
Lect. 12. hunc*





de S. Joanne non leguntur quidem, sed de sanctissima Trinitate: concio tamen ad populum de S. Joannis virtutibus habetur. Appensa visuntur ad ejus aram anathemata plurima, fatenturque diversi ejus se meritis varia beneficia cælitus impetrasse. Pro comperto est, si campi siccitate laborent, supplicatione una alterave ad hanc ecclesiam publicè ducta, pluviam impetrari celeriter. Cantio quædam pervetusta de S. Joanne per hanc viciniam circumfertur, quam plebs rustica modulatur libenter, S. Joanni pecudes suas & jumenta cetera commendare solita, opemque sentire. In peste, quæ Bohemiam anno M.DC. XLIX. pervagata gravissimè afflixit, omnes, qui sese Nepomuci S. Joanni commendarent, periculo sunt erepti.

21. Pragæ quoque S. Joannis tumulus, ut ante dixeram, in summo habetur honore: & quamvis imperiti quidam & in religione nimium cauti timidique, ipsius religionis prætextu, in S. Joannis veneratione obturbare aliquid tentarint; populus tamen ceterique omnes de constantia justæ pietatis dimoveri non potuit, rediitque semper sua S. Joanni gloria, quidquid unus & alter timidi conarentur. De ejusmodi vetusta religione & cultu Beatorum antiquo, optimè dixit vir eruditissimus, & in gestis Divorum describendis & illustrandis diligentissimus, rerumque istarum peritissimus, Godefridus Henschenius: Venerationi Divorum, inquit, à tempore memoriam unius sæculi excedente, Urbanus VIII. Pont. Maximus nihil voluit derogatum, quò minùs perpetua deinceps esset. Jam S. Joannis cultu ab antiquitate probato, ad miracula, ad ejus sacrum tumulum patrata, faciamus gradum: simul illud patebit, quàm meritò tantus eidem à populo cultus habeatur.

CAPUT IV.

*Mira quedam ad S. Joannis tumulum parata
& beneficia cœlestia omnis generis.*

22. **T**Ot ac tanta S. Joannis interventu beneficia cœlitus impetrata fuisse tradunt manuscripta memoriæ, ut ex iis justum librum majores nostri confecerint, qui in sacrario Pragensis ecclesiæ servabatur. Citat eum librum Wolfgangus Chanowsky de Longavilla, Ecclesiæ Metropolitanæ Canonicus, vir illustris, qui anno M. D. LXXXIII. moriens, ejus Sancti amore, non procul ab ejus sacro tumulo, ut conderetur, impetravit. Scribit is, in illo miraculorum libro, S. Joannem Nepomucenum Thaumaturgum Bohemiæ appellari: cæcum ad ejus tumulum recepisse vitam, alios præsentissimam opem sensitse, alios in vitæ mortisque confinio stantes, quosdam etiam ad supplicia mortis Judicis sententiis damnatos, beati viri, quem invocabant, auxilio, mirabiliter evasisse mortem. Addit, plura se non describere, quod liber sit obviis, quem tamen una mecum ecclesiæ Ministri omnes invenire non possumus, & subtractum ex oculis, ob hæresim nuper regnantem, dolemus.

23. Illud permirum, neque minus certum & pervulgatum: quicumque S. Joannis tumulum calcârint, præsertim si contempserint, eos ipsa die infamiam incurrere, & vitare non posse; id omnium Catholicorum Pragensium nostræ & superioris ætatis consensu, atque exemplis plurimis constat. Anno M. D. LXXXVIII, cum Radzivilus Princeps, Regis & Polonæ Reipublicæ nomine, Legationem apud Rudolphum II. Cæsarem obiret, accesserat Pragæ Magnificus D. Christophorus Sluska Palatinus Vendenfis (Catholicusne an hæreticus à Theophilo Cristecco, Collegii S. J.





*Lampades quæ lampades
ignis atque flammarum.
Aque multæ non poterunt
extinguere charitatem de.
Cant. C. 8. v. 6. et 7.*



*B. Luce. Ang.
lus. Orl. S. C.
in quæ. can.
p. 10. 1. 1. 1.
in quæ. can.
p. 10. 1. 1. 1.
in quæ. can.
p. 10. 1. 1. 1.*

*Corpus Iovannis celesti concitu,
ac luce, regredientibusque aquis de-
tegitur. Vie. n. 15. Prox. f. 356.*

Strom. N. 10. §. 1.

*B. Luce. Ang.
lus. Orl. S. C.
in quæ. can.
p. 10. 1. 1. 1.
in quæ. can.
p. 10. 1. 1. 1.*





ad S. Clementem Rectore id temporis, cuius chirographum eodem anno conscriptum habeo, non traditur) sed vir hic dignitate clarus, Metropolitanam Pragensem Ecclesiam aliquando ingressus, aliis ecclesiæ monumentis curiosè lustratis, ad sepulcrum S. Joannis adducitur. Narrat Palatino, qui ducebat, Canonicus, mirabilem hunc esse tumulum; nam si quis calcasset, eo die poenam non effugere. Risit Palatinus, & confestim pede tumulum pressit; gloriosum existimans (ut ingenia sunt) quæ ceteri timerent, calcare. At ecce è vestigio, quasi percute frontem & turbari mentem sentit; turbationem persentiscens templo egreditur. Equum & currum Domino adduxerant famuli (numeroſo enim satellitio vir inter suos admodum potens cingebatur) equum primo nominat: sistitur. At ecce, quasi intemperiei ageretur, à dextra equi parte tentat adscensum: ascendit denique & evadit in equum. Equus neque hortatu ullo, neque stimulo moveri se loco passus est. Ergo descendere equo cogitur, currumque conscendit: sed nulla iterum vi, quidquid agerent aurigæ, vel passum promoveri poterant. Tandem pudore confusus Palatinus, spectante & vidente Caesaris aula ex arce, toto illo & impedito itinere pedibus confecto, multum admirans, & quid actum esset, secum versans, ad hospitium in urbe reversus est.

24. In Vita venerabilis & Apostolici viri Alberti Chanowsky Societatis Jesu aliud exemplum legitur, quod verbis ipsius nostri scriptoris audire placebit. Dum Pragæ Albertus Grammaticæ daret operam, essetque annorum quatuordecim, pater ejus Joannes Chanowsky Pragam advenit, cumque eo Sanctorum ac præcipuè Bohemicæ Patronorum Corpora venerationis ergo visitavit. Accidit verò, ut etiam ad S. Joannis Nepomuceni monumentum venirent: ubi referente patre didicit, quantæ locus esset venerationis, quantæ martyris illius honor Deo curæ, quam certa eorum poena qui terram illam protervè conculcare auderent: adeò ut virgini cuidam sacrum illud sepulcrum pede protervo calcare

impudenter ausæ, dum maximam inter populi frequentiam per pontem Pragensẽ domum rediret, exorto repente vehementi vento, quasi quodam turbine involuta vestis seu toga, in altum sit ab imo elevata cum incredibili virginis pudore. Ad hæc cogitare cœpi (juvat P. Albertum hæc de se scribentem audire) facile id contingere potuisse feminæ, sed viro aut puero qua ratione aliquid simile contingere posset? Quare experiundi gratia, cum eo tempore adhuc clathra circa sepulcrum Sancti essent rara & demissa, pedem eò data opera imposui, ita ut sepulcrum calcarem. Accidit autem, cùm ad antiquam urbem per parvum pontem rediremus, ambulando sequebar parentem: & ecce incidi in latentem quamdam foveam usque ad genua, quæ Pragæ solent esse in plateis hieme ex congesta glacie & nivibus; & ferè illic calceum reliqui, atque irridente me omni populo, pudore insigni fui suffusus. Et veniens ad pontem Pragensẽ, prope imaginem Crucifixi, illic recidi; & in luto circumquaque in pallio meo obvolutus fui; & quasi tum interitũ hanc vocem audiui: in hoc loco ille Sanctus de ponte in aquam fuit præcipitatus & submersus. Summo autem pudore affectus fui, mirantibus & ridentibus hominibus, quid & cur & quomodo hoc mihi accidisset. Hæc venerabilis Pater Albertus Chanowsky manu propria.

25. Alia eaque longè gravior pœna secuta est Calvinianum hominem, Wenceslaum Wilhelmum de Raupovva Baronem, rebellionis quæ in Bohemia ab exteris ferè hominibus Comite Turriano & Hohenloo, item Felsio aliisque novis Bohemis incolis, fœdo incepto, ac fœdiore exitu mota est, haud postremum incentorem. Hic cum aliquando in Ecclesia Metropolitana S. Viti, velut in profana domo, cum fociis otiosus inambulare anno M.DC.XIX. in S. Joannis tumulum fortè incidit. Recurrit homini vetus de eo sepulcro traditio; quare multum Catholicorum stultitiam, ut putabat, demirans & deridens, qui rebus tam vanis tenerentur; tumulum S. Joannis calcat, & quasi nihil egisset,

*In malitia sua expellatur
impius: Sperat autem
justus in morte sua.
Prov. c. 14. v. 32.*



*Wenceslaus tumultum fugit, dein
Imperio exiit, at Ioanna quor,
to post anno pie obit. Vñ. n. 17. Summ.
N. 10. p. 8. Proc. f. 362.*

*V. Ioh. Papi
de Wenceslaus
Rex in illa
Vulgum
propaganda
Causa 17. May.*

*V. Ioh. Papi
de Wenceslaus
Rex in illa
Vulgum
propaganda
Causa 17. May.*







egisset, cetera idololatriæ Catholicæ, ut ipsi appellant, monimentum perlustrat, neque multo post templo egreditur. In ipso templi limine famulus anhelans cum tristi nuntio accurrit ad Dominum; filium, quem Raupovva habebat unicum, hoc momento inopinatè exspirasse. Nimirum eodem temporis articulo Deus contemptum servi sui S. Joannis morte unici filii vindicavit. Discite justitiam moniti & non temnere Divos. Atque utinam hunc finem vindictæ, divina habuisset ira! Constat inter omnes, post annos plurimos Raupovvam hæreticum actum in rabiem, dum homines stricto ferro insectatur, miserè Litomericii periisse. De hac Raupovvæ scelerata temeritate, ne dicam magis, deque pœna irrogata, est inter manus meas Testificatio legitimè confecta, annulo familiæ illustrissimæ signata, chirographo firmata, quam Illustrissimus Comes Zdenko Wratislavv de Mitrovicz, Vilemovii, Zerotinii Dominus, & Slanensis districtus Præfectus, anno M.DC.XLVIII. confecit: qui & familiariter Raupovvam novisse, & hæc omnia sibi constare per animi sui conscientiam testatur.

26. Venio nunc ad narrandum exemplum, quo tristius ad S. Joannis tumulum accidit nullum. Ac nescio sanè quid illud esse oporteat, quod tanto semper odio in S. Joannis memoriam & sepulcrum hæretici ferantur. In illo, de quo modo dixeram, hæreticorum in Bohemia regno, post annum M.DC.XVIII, cum Calviniani Pragensis Ecclesiæ Metropolitanæ dimidium, partem scilicet posteriorem, occupassent, suæque profana & umbratili Cœna contaminassent; habebant illi sine dubio præ oculis sanctorum Patronorum Viti, Sigismundi, & aliorum Divorum corpora, ac ferebant placidè; unius tantum S. Joannis Nepomuceni humilem tumulum videre non sustinebant. Neque modò crates circa tumulum evellere, sed ipsum sancti Martyris corpus (facinus profectò etiam in quocumque humano corpore indignum!) exhumare & in communem locum abjicere statuerunt. Sed S. Joannes locum egregiè tutatus est. Mittuntur ad certam diem
valen-

valentissimi & confidentissimi satellites, quibus id datum erat negotii. Vix Sacrilegium tentarant, & crates ferreas ligonibus convellere cœperant; cùm ecce duo, quasi è cœlo percussi, repente in terram concidunt: alter omnino exanimis numquam vitam recepit; alteri operi præfectus, Anglus homo, epheborum Friderici Palatini (qui sese Regem Bohemiæ ferebat) præceptor, semivivus ac agrè spirans è templo inter manus elatus, paulo post & ipse miseram animam efflavit: ceteri periculo & damno suorum admoniti, una tantùm sepulcri parte cratibus dejectis, opus imperfectum reliquere. Res est tragica, sed eorum testificationibus firmata qui adfuere: quos inter vivit hodièque senex, campanis in ecclesia S. Viti præfectus, rei gestæ olim spectator: historiâque hæc tota ante S. Joannis Nepomuceni sepulcrum, tessellato opere pereleganter in ligno expressa, cum admiratione peregrinorum spectatur. Recenset hoc etiam triste miraculum Germanicus liber, cui titulus est Veridici, Augustæ anno M. DC. XXX. typis editus pag. 89. & seqq. ac primum Angli illius Calviniani, sepulcro insultantes sacrilegas voces, tum cœlestem ultionem humi alliso corpore, demum eadem nocte inter horribilas vociferationes ac ejulatus, quasi ab igne aliquo ureretur, infelicissimam mortem multis verbis describit. Adjicitur in eodem libro; paulo ante decretoriam in Albo-monte pugnam, quæ hæreticorum res conciderunt, cùm anno M. DC. XX. nocte quadam hæretici satellites, in eadem ecclesia, in Christi Crucifixi statuis aliisque Divorum imaginibus dejiaciendis strenuè laborarent; à Catholico pióque homine, qui tum aderat & dolenter quæ gerebantur, spectabat, vivos tres viros humana forma augustiores è sepulcris prodire: primum cultu Regio, alterum Episcopali habitu conspicuum, tertium sacro quidem in habitu, sed ignoto. Hos convenisse unâ, ac stantes, quasi de futuro rerum statu capita conferrent, postea amissos ex oculis; nihil dubitari à Catholicis S. Wenceslaum Regem, & S. Adalbertum Episcopum primos duos fuisse, tertium omnes suspi-



spicari S. Joannem Nepomucenum, quem tantopere odissent hæretici, quémque exhumare etiam voluissent. Ita liber ille. In re tam récenti fides sit penes auctorem: ad tumulum S. Joannis redeamus.

27. Ob hanc igitur causam, & sæva in calcantes exempla edita, cùm jam pridem ferrei clathri ad unius ferè ulnæ altitudinem prætenti essent, Canonici novis aliis cratibus sepulcrum cinxerunt: qui Clathri faciliè tres ulnas altitudine æquant, ut nisi ægerrimè vix esse cuiquam improbo & injurio liceat. Porro Calviniani, tam malè à S. Joanne accepti, quamdiu Pragensi ecclesiæ sunt usi, tumulum ipsum totum, præstigias in eo latere vociferantes, asseribus & tabulis quibusdam clausere, ne ullo modo adiri, imò ne spectari possit. Obturbare illos, dum ad coenam in templo sederent, S. Joannes videbatur; & velut mortualis umbra, nimium odiosus & non vocatus, intervenire convivii. Jam verò hanc ipsam Ecclesiæ Metropolitanæ profanationem, & stantem in loco sancto abominationem ex sacro suo tumulo S. Joannes significavit. Siquidem imminente illa ab hæreticis calamitate, sæpius nocte gemitus & lacrymosæ quædam voces ab imo templi audiebantur: Custodes autem templi, studiosè gemitus illos secuti, animadverterunt non semel, ex S. Joannis tumulo exire. Nimirum dolebat sancto viro (quantum Sancti dolere possunt) dilectam Pragensem ecclesiam tot brevì sacrilegiis profanandam, quæ nunquam antè, ex quo à S. Wenceslao fundata erat, ne quidem Hussii aut postea Rokyczanæ temporibus, hæreticorum impuris sacris profanata fuisset. Sed plures sacri illius tumuli prærogativæ possent adferri: nam aliis quoque temporibus ecclesiæ S. Viti excubitores, ad indicandam fortasse sancti viri sanctimoniam & in cœlo gloriam, amabili quadam luce sepulcrum illud cingi, & radiis coruscare viderunt. Neque id mirum: pro thesauro est Pragensi ecclesiæ S. Joannes, ubi verò thesauri lateant, ajunt ignes emergere.

28. Præcipuus S. Joannes Nepomucenus Patronus & Tutor eorum habetur, quibus infamiæ periculum aliquod imminet,

quique ne admissum scelus factumve emanet in publicum, pertimescunt: occurrit enim mirabiliter periculis, & factum abscondit. Exempla in eam rem publica dare nec possum, nec audeo: quia ut silerem, atque etiam nescirem, ipse Sanctus Joannes, qui texit, effecit: sed res est inter omnes contestata: solentque eos, qui afflicti, quo se vertant nesciunt, ad Sancti sepulcrum mittere, ut timores suos exponant & commendent. Hujus festinati & toties perspecti auxilii argumento, edita typis pridem oratio est, quæ sub S. Joannis effigie legitur hisce verbis concepta: Præsta quæsumus, omnipotens Deus, precibus nostris, quas in S. Joannis Confessoris veneratione deferimus, pium benignus auditum; ut ejus meritis & intercessione suffulti, ab infamia & confusione temporalis liberati, ante mortem reatus nostros sincera Confessione expiare, salutari poenitentia delere, & portum æternæ salutis contingere feliciter valeamus. Per D. N. Jesum Christum filium tuum. Iis quoque fert opem S. Joannes, qui exitiali verecundia crimina sua in sacro tribunali aperire reformidant: nam ad ejus tumulum supplicantes, audaciam quamdam ad proferenda omnia addi sibi senserunt, idque apertè Sacerdotibus sunt testati. Anathemata ad S. Joannis tumulum plurima olim pependisse meminerunt senes: hæresis Calviniana anno M. DC. XIX. laceravit omnia, aut flammis corripuit. Nostra memoria matres aliquot, ad partum gravissimè laborantes; alii hydrope, alii febribus diuturnis crudelissimè vexati, fusis ad S. Joannem precibus, convalescere, ut anathemata hodierna testantur. Quibusdam ipsa fides & in S. Joannem amor opem attulisse videtur: nam cum alia deessent, pulverem, ex ejus lapide sepulchrali modicè abrasum, ad varios morbos valuisse senserunt.

29. Matrona Illustris (quam nominare nihil attinet) cum aliquando de Sanctis in Metropolitana Ecclesia conditis mentio fieret, & nescio quæ ex domesticis puellis S. Joannem-Nepomucenum inter eos numerasset; illa supercilio sublato, Quem tu, inquit,







inquit, Joannem nominas? nihil de illo Roma scit: colitur ille à rudibus perperam, neque forsitan hanc venerationem meretur: nam si sanctus esset, pridem cum Pontifices in Divorum numerum retulissent. Post aliquot dies cum eadem matrona, nihil jam de S. Joanne cogitans, oraret in templo; reperit in libello precum Beati effigiem capite radiato in habitu Canonicorum vetustissimam, quam ante numquam viderat. Paulo post cum domi in scriniolo suo aliud quærît, alia item ejusdem Sancti effigies quasi sponte venit in manum. Ea res improvisa ita tenerum matronæ animum vulneravit, ut confestim in lacrymas soluta, S. Joannem Nepomucensem inclamarit. Diéque altero ad Ecclesiam Metropolitanam profecta, Confessione peccatorum præmissa, divinam Eucharistiam sumpsit; & sepulchro beati Martyris advolta, audaciæ veniam postulavit. Nec omittenda est religiosi cujusdam viri temeritas, divinitus ut videtur castigata. Hic in disceptatione cum socio sui Ordinis inita, negabat rite fieri, quòd S. Joannes à populo coleretur; addebátque cum stomacho, malè agere eos, qui cum faciliè impedire possent, cultum hominis tam ignoti tolerarent. Nondum abierat dies, en tibi gravem ægritudinem: nulla data causa tremore artuum insolito concutitur; ac ne mali originem ignoraret, simul ultro succurrit cogitatio S. Joannem de se vindictam sumere. Neque aliud fuit: nam neque tremor, neque dolor posuit, donec æger S. Joannem voto honorasset, ac veniam postulasset. Rem verò, ut secum gesta erat, ipse religiosus vir ad perpetuam memoriam scripto consignavit. Ardet ad S. Joannis tumultum suspensa lampas, ut ante dixi. Ex ea lampade Servus-capellæ (ita templi Custodem appellant) oleum omne effuderat, oleique loco aquam puram infuderat, ut socium suum (cui commissa & nutrienda lampas erat) vexaret. Accedit rerum omnium ignarus socius, alter videlicet Æditimus, priore illo procul observante, & benignam sibi socii irridendi materiam oblatam gaudente. Accenditur lampas, aqua sine omni elementorum pu-

gna exardefcit, lampas nitidiffimè lucet. Territus rei novitate ocularis ille fervus, fatetur quid egiffet: uterque agnofcit miraculum: plures ecclefie Miniftri advocantur: rem ita fe habere deprehendunt, Deum in fervo fuo S. Joanne glorificantes.

30. Stat fuper S. Joannis Tumulum candelabrum ex orichalco ingens, cujus pedem artificiofiffimis ftatuis puerorum undique ludentium, aliisque imaginibus æreis diftinctum, inter cetera fpolia, excifa urbe Mediolanenfi à Friderico Barbaroffa Cæfare, Wladislaus Bohemiæ Rex belli ejus socius, ante annos facile quingentos; quod ex Salomonis templo fuiffe diceretur, Pragmam attulerat, & ecclefie S. Viti donarat. Eum pedem, adjecta nova mole, jam ab annis centum octoginta, antiquitas in candelabri formam eleganter aptavit, & fepulchro S. Joannis impofuit; quod in manufcriptis templi codicibus non aliter, quam Candelabrum S. Joannis appellatur. Id candelabrum noftra memoria ornandum fibi fumpfit Sereniffimus Archidux Leopoldus, Ferdinandi III. Cæfaris frater, & ftatuas omnium Sanctorum Bohemiæ Patronorum, fuo quemque in habitu (quos inter S. Joannes nofter fpectatur) itidem ex orichalco apponi juffit, fupernè in orbem quafi in corona ftantium gratiofiffimo fpectaculo effictas à bonis artificibus, ut erat Princeps artium ejusmodi amantiſſimus & æftimator peritiſſimus. Hoc opus novum, cum facrilegis oculis quidam fuiſſent intuiti, & aurum eſſe crederent; cupiditate victi, defractam S. Joannis ftatuam, quæ ceteris videbatur formioſior, rapuère. Magnam illis facrilgium attulit curam, quippe diu noctique laniabatur intemperiiſ mens, ut nec fomnum nec quietem ullam capere poſſent. Adaſti igitur a monitore & tortore aſſiduo, quem habebant intus, retulere ftatuam: & ad tumulum S. Joannis, mox ad facrum Poenitentiae tribunal advoluti, rem omnem Sacerdotibus aperuère.

31. Hactenus de S. Joannis Nepomuceni Vita & Miraculis concinnata Narratio. Porro ne quem tua laude defraudem, præci-









præcipuam mihi materiam suppeditavit Perillustis & Reverendissimus Dominus Joannes Ignatius Dlauhowesky de Longavilla, Protonotarius Apostolicus, sanctæ Metropolitanæ Pragensis, nec non exemptæ Wissehradensis, & Collegiata Veteroboleslaviensis ecclesiarum Canonicus: cujus verbis, ex ejus ad me litteris, hanc narrationem concludam: Mitto, quæ de S. Joanne Nepomuceno invenire potui; eaque ex variis fideissimis & indubiis manuscriptis collecta, sub fide Sacerdotali communico: faxit Deus, ut quem


honoramus in terris, ejus consortio perfruamur
in cœlis. Amen.

Oratio ad S. Joannem Nepomuc.

*Quam tribus linguis, Bohemicè, Germanicè & Latinè scriptam,
& in tabellis ante ejus tumulum appensam, populus pie recitare consuevit, ad verbum descripta.*

S. Joannes, Martyr ac Patrone, Nepomuci in Regno Bohemiæ oriunde, templi S. Viti in arce Pragensi Canonice; eò quod ad instantiam Wenceslai IV. regis, ulcisci se de conjugē, sæpe illum de vita corrigenda monente, volentis, ante & post torturam, Confessionem Augustæ propalare recusasti, in flumen Moldavam ex Ponte præcipitatus, à luminibus, noctu supra flumen ubi corpus tuum jacuit apparentibus, certissimis tuæ innocentiae & sanctitatis testibus ostensus, solenniter ab universo Clero ac popu-

populo ad Cathedrale templum deportatus fuisti; ubi usque hodie, qui tuum sepulcrum exhonorat, vulgi infamiam effugere non solet. Tu enim admirandam, inauditam, ac sempiternam memoriam secreti exomologeseos tuendi post te reliquisti. Per hæc tua merita & dona divinitus tibi concessa, precamur suppliciter ac fiducialiter, apud Omnipotentem Deum eam impetra nobis gratiam, ut ira ejus conquiescat, peccatorum pœnas, uti pestem, bellum, famem, aliâsque tam corporis quàm animæ, plagas clementer avertat; & ut nos ante obitum confiteri, pro peccatis satisfacere, omne periculum & seculi dedecus, hominûmque scandalum effugere, Deo placere & adhærere, vitam laudabiliter concludere, & ad vitam æternam pervenire possimus. Per Jesum Christum Dominum ac Salvatorem Nostrum. Amen.







SUPPLEMENTUM
VITÆ
S. JOANNIS NEPOMUCENI M.
OLIM CONSCRIPTÆ

A
P. BOHUSLAO BALBINO S. J.
DESUMPTUM
EX ACTIS CANONIZATIONIS
EIUSDEM SANCTI.



PRÆFATIO.

Alteris iam typis prodit Vita S. Joannis Nepomuceni sub an. 1670. à P. Bohuslao Balbino S. J. conscripta eâ approbatione, ut non modò Antuerpienses Hagio-graphi cæteris S. S. actis totam, eâmq̃ue notis illustratam inferuerint, sed etiam in ipso *Canonizationis processu* quâ Pragæ, quâ Romæ, inter reliqua ad eum pertinentia monumenta locum, autoritatêmq̃ue præcipuam obtineret: contra quam etsi exceperit Reverendissimus Promotor Fidei (seu ut à nonnullis audit, diabolus rotæ) eum tamen in juridicis responsis ad oppositiones eius factis ita refelli legimus, ut, quod ultra opponeretur, nihil repertum sit. Visum est igitur vitæ huic denuò in lucem productæ, pro auctario adjicere ea, quæ circa eiusdem Divi solennem Consecrationem, præsertim lapsò decenniò gesta sunt, in quinque partes, ac capita tributa, quorum primum disquireret, cur in sesqui quatuor propè sæcula sacram eius apotheosim differri contigerit, secundum generatim ritum, modumque Canonizationis exponet, ultima tria verò ea, quæ circa hæc sub postremis tribus ætatis nostræ Pontificibus contigère, persequuntur, quæ quidem coronidis, & supplementi locò, serviant ad augmentum honoris, & cultûs Magni huius Coelitis, & honorati in Sanctis suis
DEI ter O. M. Gloriam.





1. Bened. XIII. P. M. 2. Cardinales Diaconi assistentes 3. Cardinales Assistentes 4. Collegium Cardinalium 5. Oratores Regum 6. Archiepiscopi et Episcopi 7. Clerus Romanus 8. Ceremoniarius Pontificis 9. Honorary Custodes vulgo Maziers 10. Abbates et Auditores Rotæ 11. Cardinalis de Althar. Procurator 12. Duo eiusdem aulicæ offerentes cereos 60. librarum 13. alij offerentes de medio minores 14. Cardinales S.C. Rituum cum suis Ministris cereos uti gestantibus 15. Panes pro offertorio, auro unis, alter argento illis 16. Dolioola vini albi et rubi 17. Vg. xillus S^c officij præferens 18. Romana Nobilitas 19. Harmonica Pontificij 20. Miles Prætorianus

CAPUT PRIMUM.

Quando, & quomodo agi ceperit de sacra apotheosi S. Joannis Nepomuceni.

QUOD Divi Leopoldi Austriae olim Marchionis, nunc tutelaris, solenni inter Coelites recensione factum legimus, non diversum admodum est ei, quod in nuperna Divi Austriae, totiusque septentrionis Thaumaturgi, ac sacrosancti poenitentiae sigilli proto-martyris Joannis Nepomuceni consecratione effectum tandem esse gratulantibus animis, oculisque ipsi spectavimus. Leopoldo siquidem illi, sacros honores ab Innocentio sexto decerni efflictim expetierat Rudolphus Archidux, Alberti Sapientis filius, Albertique Caesaris nepos: jamque Pontifex curam inquirendae vitae, & prodigiorum, quibus ad sepulchrum suum sanctus Marchio inclaruerat, demandarat Archi-Episcopo Pragensi, Episcopo Olomucensi, & sanctae crucis Cisterciensium ab eodem Divo fundati asceterii Abbati, datis ad Eos literis 1357. annò, qui fuit post fata sancti principis 221, imperante tum Carolo quarto, Rudolphi Archiducis socero, Joanne autem Nepomuceno tum metropolitanae Pragensis Canonico. Egerat quidem eam in rem omnia Rudolphus, Austriae suae, in quam Archiducis honorem, & Viennae Basilicam sancti Stephani, Collegiatam ibidem Ecclesiam, & Academiam, seu studium generale intulerat, Leopoldina etiam apotheosi ornandae studiosissimus. Haesere nihilominus pia Austriae vota, ultra saeculum, rei conficiendae gloriae reservata Friderico Pacifico Caesari, cui pariter Austriali nominis ad summa provehendi par fuit & voluntas, & facultas, quique

sedem Episcopalem, quam Passävio transferre Rudolphus meditat-
 us erat, Viennæ erexerat. Sed toto vicennio Friderico duran-
 dum fuit, quò publicis cultibus Leopoldum insigniri videret.
 Anno 1465. Imperator, Præsul Pataviensis, Universitas Viennen-
 sis, & Coenobia Austriæ omnia, supplicibûs, super Leopoldo san-
 ctis adlegendo, literis Paulum secundum P. M. convenère, qui
 rem ternis Cardinalibus Bessarioni, Alano, & Sancti Eustachii, hi
 porrò Episcopis Pataviensi, Gurcensi, & Petinensi, ac Scotorum
 Viennæ, & in Cellis Abbatibus commisère. Quod eum prædi-
 ctis pluribus legere est in tomo primo Germaniæ sanctæ D. Mar-
 ci Hansizii S. J. præcipuè fol. 552. Sed neque Paulus II, nec suc-
 cessor, Sixtus IV. negotium confecit, quod tandem Innocentius
 octavus ad optatum finem deduxit, ac Leopoldum ritè sanctum
 dixit anno 1485, qui erat ab obitu ejusdem Sancti 3491. & ab
 eo, qui primus eidem sacrum cultum moliebatur, Innocentio sex-
 to, annus 128, & Pontifex successor jam sextus, & decimus.
 Cuius quidem moræ causam Innocentius octavus exprimit in Bul-
 la Canonizationis ubi sic: *Cum ea de re agi cœptum esset morte In-*
nocentii. Surgentibusque procellis in Ecclesia Dei, exortis usque ad
tempora Pauli II. prædecessoris nostri, inquisitio intermissa est &c.

Sed satis de primo illo Austriæ Coelite Leopoldo, cui paral-
 lelus Austriaci Septentrionis Divus Nepomucenus, qua ratione
 consecratus sit, nunc expediemus. Siquidem Canonica eiusdem
 ad sanctos adlectio obtrigit anno post gloriosum ejus excessum
 346, in quam postremi tres ævi nostri Pontifices Romani, Cle-
 mens XI, ac Innocentius, & Benedictus uterque XIII. symbolas
 suas contulere, nàmque primus *introductionem causæ* signavit, pri-
 mùmque *processum* probavit, secundum alter, concessis unâ Mar-
 tyri Beati honoribus, tertius denique prioribus fatò suò præven-
 tis, solenni Martyris canonizatione sæculorum, & orbis Austriaci
 vota coronavit. Suprema porrò rei consecræ cura, & gloria fuit
 penès duos sacratos vertices, Carolum VI. Romanorum Impera-
 torem

torem gloriosissimè hodie dum imperantem, itémque Celsissimum Metropolitenum Pragenum Ferdinandum è Comitibus de Kynburg in benemerito de profanis iuxta, ac sacris negotiis senio etiamnum superstitem, Cui & ipsi ultra decennium tum Pragæ, tum maximè Romæ, quo anni 1719. mense Januario causam hanc auctoritate ejusdem ordinaria plenè confectam submiserat, laborandum fuit, donec Divo Martyri collatus jam pridem voce populi Sancti honos, ac titulus voce etiam Romani sacrorum Antistitis Christi que in terris Vicarii Benedicti XIII. ratus haberetur anno hoc 1729. die 19. Martij.

Ac sanè mirum cuiquam videri possit, unde factum sit, quod in hanc usque ætatem prorogata sit solennis canonizatio D. nostri Nepomuceni, Viri tantæ apud Deum gloriæ, tótque portentis roboratæ, tantæ in septentrione, tótque sæculis venerationis, tantorum prodigiorum, tantarúmque etiam necessitatum patroni, & jam à XIV. sæculo voce populi, & Germanicarum potissimum Ecclesiarum Sancti, Martyris, Thaumaturgi. Sed quis non perspiciattribuendum id primò esse arcanis Divinæ Providentiæ consiliis, ex hoc ipso, cultum quò impeditum, hòc accensum magis Viro Beato elicientis, fidelibus velut in vetitum piè nitentibus. Deinde accensendum id est cæteris afflictæ ultra terna sæcula Bohemæ Ecclesiæ fatis, ac procellis, quas ipse Sanctus in extrema ad concionem Pragensem dictione disertè prænuntiârat. Nempe post Wenceslaum, qui Virum sanctum unâ, ac religionem perdiderat, patefacto latè rabiei, & hæresi hussiticæ aditu, Sigismundus Cæsar fratri dissimillimus, & bini brevis ævi Reges Austriaci, Albertus, ac Ladislaus, spem meliorum temporum eam fecerant, quæ velut in herba, usurpante regnum Podiebradio exaruit, sede ipsa Archi-Episcopali in sequialterum prope sæculum vacante; templis flamma, Sacerdotibus exilio, sacris juxta, ac profanis Juribus in regno Bohemiæ fœdè turbatis: ac etsi sub Apostolicis binis ejusdem Regibus Vladislao, & Ludovico Ecclesia Boiohema

respiraret, & Metropolis Pragensis redintegraretur, novas tamen, aut continuatas turbas religioni faceffivit rediviva è nefandis Hussii cineribus secta, anseri, aut corvo suo par ovum, perquam regnicolæ in eos, qui se *sub una*, eosque, qui se *sub utraque* vocitabant, scissi tamdiu sunt, dum insigni illâ, & Austriacæ pietati debitâ victoriâ ponere Pragam in Albo monte, Deo, Cæsarique perduelles domiti, ac utrique sua dare compulsi, in Ecclesiæ unionem, unitatémque redigerentur. Sed mox novum inde regno, & religioni è septentrione malum tricennalis suecici, & Luthero jurati Martis furor; post quem pax Westphalica Germaniæ magis, quàm Bohemiæ sacris noxia, quietis nonnihil attulisset, nisi paulò post lues Epidemica, móxque othomannica arma, vi Austriæ, formidine Bohemiæ illatâ, mala ea, quæ viximus, protulissent.

Atque hæc quantum humana conjectura valet, fecisse censemus, quo minùs seriò unquam, ac efficaciter agi potuerit de cœlitum honoribus, qui servo Dei mox à facto martyrio habiti sunt, eidem Apostolicæ sedis oraculo firmandis, atque ad publici, solennisque cultûs gradum efferendis. Quamquàm supremum Numen Beato Martyri dilatam tam diu, intermissâque venerationem canonicam, viis aliis abundè pensavit, quando nihil in contrarium proficientibus iis, quas supra recensuimus, perditæ propè religionis tempestatibus, suus perpetuò Viro Dei, cultus constitit: ac quantumvis iisdem, quibus sacræ Deo ædes, & Cœnobia per Bohemam hæresim conflagrarunt, flammis, antiqua de Joanne monumenta consumpta sint, factum tamen est disponente ita Divina Providentia, ut plures salvarentur codices ab Authoribus contemporaneis, & vicinis de glorioso Viri Martyrio, de cultu illi præstito, de gratiis eo interveniente obtentis, conscripti, quibus fidem roborabant affixa anathemata, & insculpta parietibus prodigia; probantque (ut legere est in opere, cui titulus: *Acta utriusque processus in causa Canonizationis B. Joannis Nepomuceni Martyris &c.* Viennæ secundum exemplar Romæ excusum edito

anno 1721.) cultum hunc monumenta posita, fundati ignes perpetui, radii imaginibus eius adpicti, firmat denique traditio Patrum nostrorum, aliorumque virorum Apostolicorum ad nos usque perducta, plurium gravissimorum testium assertione juratò deposità firmata, & quia gratiæ, quas Deus per intercessionem hujus sancti Martyris liberaliter sparsit, indies multiplicabantur, crevit cultus, & per omnes mundi partes sese dilatavit, sic ibi.

Quæ quidem, posteriores maximè Archipræsules Pragenses jam diu ad procurandam Martyris Apotheosim impulsere, præsertim eos, qui uno abhinc sæculo ei Cathedræ præfuere è familiis Comitum ab Harrach, Kolowrath, Bilenberg, Waldstein, & Breüner; sed hæc scilicet gloria zelo, meritisque hodierni Metropolitæ debebatur, quod priusquam explicemus, juverit capite sequenti ex libro supra nominato excerpere, quæ huc facere visa sunt.

CAPUT SECUNDUM.

De Canonizatione Sanctorum.

Cùm Sanctorum Canonizatio inter gravissimas, easque Ecclesiæ materias, quæ ad universale ejusdem regimen spectant, recensetur, utque affectus omnis, & abusus ab actu illo, quò inter Cœli Cives quis adscribitur, exulent; Ideò summi Pontifices Sanctorum Canonizationes sibi reservarunt, in specie autem sanctæ memoriæ Urbanus VIII. pro debito pastoralis officii feria V. sub 13. Martij an. 1625. lege latâ sancivit, ne imposterum cultus, aut veneratio præstetur ulli, antequam ab Apostolica sede Beatificationis, aut Canonizationis honore insignitus fuerit, nisi aut per communem Ecclesiæ consensum, vel immemorabilem temporis cursum, aut per Patrum, virorumque sanctorum scripta, vel longissimâ temporis scientia, & tolerantia præfata Sedis Apo-

stolicæ, vel Ordinarii celebretur. Unde licet Processus Reverendissimorum, & Illustrissimorum Dominorum Ordinariorum autoritate pro informatione sanctæ sedis construantur; attamen spes impetrandæ Beatificationis, vel Canonizationis haberi nequit, nisi ex actis constiterit de non cultu, vel cultu immemoriali, seu Casu excepto, paritumque esse decretis Urbani VIII., Innocentii XI., aliorumque Romanorum Pontificum; & tunc demum ad instantiam Principum, Episcoporum &c. Apostolica sedes annuere solet; ut interveniente Promotore Fidei Causæ materialia tractentur secundum ea, quæ latius describit *Matta de Canoniz. sanct. part. 5. per tot.*

Prudenti itaque circumspectione, priusquam manus fabricandis processibus apponatur, probandi media per historicos, testes, & monumenta conquiri, & ponderari debent, an nimirum ad probandum cultum immemorabilem, seu centenarium (ita enim Urbanus VIII. per novam Bullam die 5. Julij 1634. immemorabile tempus declaravit, & definivit) concludant, & sufficiant? quæ, si non adsint, via non cultûs progrediendum, & signa cultûs saltem tantisper pro obedientia dictorum Decretorum amovenda; sin verò ex conquisitis Probis centenarius cultus ante Bullam appareat, in casu excepto agendum est, quod pro servo Dei cò gloriosius, quia & possessio venerationis continuatur, & signa cultûs manent; & tunc duo instruendi sunt processus, unus super samâ sanctitatis, virtutum, & miraculorum servi Dei, quem vocant *introductionis cause*. Scil. an causa venerabilis servi Dei coram Apostolica Sede sit introducenda, & ventilanda. Alter super casu excepto, seu cultu immemorabili Servo Dei ante Bullam Urbani VIII. exhibitio; etenim, si de alterutro non constat, nulla signatur à summo Pont. commissio, & causa deponitur tanquam vitiò laborans, non amplius, aut saltem non faciliè reassumenda.

Ex generalibus hisce principiis fluit, quòd in causa Beatificationis Venerabilis Servi Dei Joannis Nepom. alterutra via eligi debue-

debuerit, ut vel signa cultûs amoveantur, vel probatio cultûs publici Ei ab anno 1533. exhibiti suscipiatur, & quia primum contra populi offensionem & scandalum fieri non poterat, quia quotidie ad eius tumulum summi, & infimi in genua provoluti sacros venerantur cineres, & sine numero suspensa anathemata à piis clientibus indies augentur; ideò secundum eò confidentiùs assumebatur, quòd Divi nostri gloria tot miraculis, tantâque vetustate stabilita, ut nedum tempus centenarium ante Bullam longè excedat, sed & cultus cum Ejus glorioso cœperit Martyrio.

Et licèt in discutiendis Martyrum causis tantus rigor, ac in causis Confessorum haberi non soleat, eò quòd Martyrium consistat in perfectissimâ charitate, à qua reliquæ virtutes informantur, speciem, & essentiam accipiunt; quæ mortem Martyris pretiosam faciunt in conspectu DEI, attamen de vera Martyrii causa luculenter, imò & de miraculis constare debet; cùm enim Deus nolit omnes justos decorare honore Canonizationis, necesse est, ut ex signis, & miraculis certa reddatur Ecclesia militans, quos Deus prædicto honore decorari velit. Hæc habentur in dicto libro.

CAPUT TERTIUM.

De actis super Canonizatione S. Joannis sub Clemente XI.

QUod itaque bonum, felix, faustum, fortunatûmque accidit, Reverendissimus, & Celssissimus Princeps, & Archi-Episcopus Pragensis Ferdinandus è Comitibus de Kynburg, mox ut Labacensem cum Pragera mitram commutârât, Casareâque ad aulam Lusitanam legatione defunctus fuisset, ad id, quod Decessoribus, supra dictis de causis non licuerat, animos, conatus, curâsque omnes adjecit, quibus cum Austriaca Regnantium præsertim

tim Augustarum Maiestatum pietas sociaretur, effectum tandem est, ut Pragæ solempni, & ad Romani rigoris amussim exacto processui Canonizationis initium daretur ab ipsomet Celsissimo Metropolitano, qui cum super gravibus Ecclesiæ suæ causis cum Reverendissimo ad aulam Cæsaream Oratore Pontificio Georgio, nunc sanctæ Romanæ Ecclesiæ Cardinali Spinola collaturus Viennam iter suscepisset, pro se se hac in causa constituit Judices delegatos Reverendissimum & Illustrissimum Dominum Danielelem Josephum de Magern Ep. Tyberiad. Suffraganeum, Vic. Gen. ac Officialem suum cum Patre Maximiliano Wietrowski S. J. S. S. Th. Doctore, & D. Francisco Antonio Langer J. V. Doctore, Procuratore causæ D. Bernardo Henrico à Germeten J. V. Doctore, Promotore autem seu Fiscali, D. Joanne Francisco Blowski J. V. Doctore. Hi, ubi processum informativum super famâ sanctitatis, virtutum, Martyrii, & miraculorum S. Joannis Nepomuceni secundum Constitutiones Urbani VIII., Innocentii XI., aliasque sacra rituum congregationis, & submissam recens Roma à Reverendissimo Promotore Fidei, peculiarem instructionem, ad finem deduxere, id ipsum ad dictam sacrorum rituum congregationem retulere 3. Januarij annò 1719, quod & 29. ejusdem mensis præstitit ex munere suo Celsissimus Archiepiscopus (qui & alterum processum super cultu immemoriali eodem submiserat an. 1720. die 9. apr.) suis & Ecclesiæ, ac Regni totius Bohemiæ votis instantissimè supplicans, ut introductionem ejusdem causæ, illiusque prosecutionem admittere eadem sacra Congregatio, & summus Pontifex Clemens XI. dignetur.

Quò plurimum contulit juratus Portitor Romam submissus Reverendissimus D. Joannes Ludovicus à Steger Capituli Metropolitani Prælati Archiepiscopus. De quibus omnibus plenè edoctus Summus Pontifex, Ipse privata pietate Divum Nepomucenum peculiariter, & stato precum penso indices venerari solitus (quod ex ore Sanctissimi accepisse, reducem Româ ex studiis Illustris-

Iustrissimum , & Reverendissimum D. Episcopum Agriensem coram aliquando audivimus) tandem in vota Austriæ concessit, ac causæ hujus Ponentem , ac Procuratorem nominavit Eminentissimum Cardinalem ab Althan , motusque amplius supplicibus eâ super re literis ex omni septentrione , Augustarum, Regiarumque Maiestatum, Purpuratorum utriusque fori Principum, Præfulum, Religionum , & Academiæ propè quinquagenis anno 1719, & 1720. advolantibus, iam Congregationum terminos definiverat, in quibus de causæ introductione , confirmatione sententiæ Pragensis, & concedendis missa, ac officio decernendum erat, imò & causæ introductionem iam probaverat , signaveratque , & pro confirmatione judicii ArchiEpiscopalis statutum erat, cum pio negotio ut plurimum ferventi manu ultima nondum imposita idem Sanctissimus Clemens XI. anno 1721. fatis functus vacuum Petri sedem successori Innocentio decimo tertio reliquit.

Illud memoriâ dignum, quod in primo processu, in quo agitatum erat, an sit signanda commissio introductionis causæ in casu præsentem, ipse Reverendissimus Promotor Fidei coram sacra rituum congregatione in animadversionibus suis non modò palam profiteretur validitatem processus huius ritè, rectèque se habere, nullumque eius menti scrupulum quoad hoc inharere, sed etiam postea , quæ de more ab eo opponi solent , subjunxerit protestationem sequentem :

Hæc autem dicta sint, ut muneri meo satisfaciam , & ut veritas eò magis elucescat, quam protestationem tacitè in omnibus causis huius generis , in quibus scribo tanquam fidei Promotor, facio, & in causa præsentem expressè emitto, ex quo *in Summ. hujusce cause num. 19.* Testes, & Scriptores video memoratos, qui dicunt infortunium aliquod sive in corpore, sive in fama non evitari ab eo, qui Sanctitatem Servi Dei Joannis impugnatur, aut de illa dubitat.

Quare &c.

Prosper de Lambertinis S. Consistorii Advocatus, & Fidei Promotor.

Porrò citatus numerus 19. Summarii causæ sic habet:

Ex Processu Pragenfi.

Ad Articulum nonum interrogatorium trigessimum primum process. fol. 358. & tergo.

Verùmne est, publicam vocem, & famam fuisse, quòd omnis, qui sæpe dicti fidelis Servi DEI Joannis Nepomuceni Sanctitatem impugnare, aut de illa tantùm dubitare, vel etiam sepulchro ejusdem pedem temerè inferre ausus fuit, infortunium qualicunque modo, sive in corpore, sive in fama non evitaverit. Id ipsùmne sic, & non aliter à Majoribus suis Testis narrari audiverit?

Interrogatorium trigessimum secundum.

Etiàmne hi Majores id ipsum à suis Majoribus sibi narrari audiverunt?

Ad Articulum decimum nonum, Interrogatorium sexagesimum quartum Process. fol. 362. terg.

Unde Testis scit veritatem esse, quòd, qui hunc Servum DEI dishonorant, infortunio sive in rebus, sive in bonis afficiantur? Audivítne hoc Testis etiam à Majoribus suis?

Interrogatorium sexagesimum quintum.

Etiàmne hi Majores aliqua exempla Testi recensuerunt dishonorantium, & infortunium perpefforum?

I. Testis ad 31. Process. fol. 655. & tergo.

Respondit: Fama publica semper fuit talis, quæ non eget Testibus, & ità etiam à Maioribus meis, & etiam à Patribus Spiritualibus meis semper audiui.

Ad 32.

Respondit: De hoc non dubito, quia semper fuit hæc fama publica.

Ad 64. Process. fol. 659. & tergo.

Respondit : Ex fama publica hoc scio , & hoc ipsum audiui à meis Majoribus.

Ad 65.

Respondit : Non tantum audiui , sed etiam legi dishonorantes sepulchrum , infortunia perpeſſos fuiſſe.

III. Testis ad 31. Proceſſ. fol. 681.

Respondit : Omnino.

Ad 32.

Respondit : Sic etiam.

Ad 64. Proceſſ. fol. 684. tergo , & 685.

Respondit : Omnino audiui à Majoribus , & eſt fama publica , non tantum inter Catholicos , ſed etiam Acatholicos ; mihi enim Acatholici hoc ipsum , & quidem viri graves ſæpius narrarunt.

Ad 65.

Respondit : Narrarunt plura , quorum non recordor , niſi prout de hac ſœmina ſuprà recensui.

VI. Testis ad 31. Proceſſ. fol. 718. tergo , & 719.

Respondit : Audiui hoc etiam , & ſic , & non aliter à Majoribus meis narrari audiui , quod nemo conſuſionem publicam eſſe fugerit , qui auſus fuit Sanctum hunc contemnere , aut ſepulchro eius pedem temerè inferre.

Ad 32.

Respondit : Sic mihi retulerunt mei Majores , ſic pariter ſe à ſuis Majoribus audiviſſe , & ſpecialiter etiam à pluribus aliis audiui de certa ſœmina , quæ ex contemptu pedem temerè ad ſepulchrum poſuit , dicendo : quid mihi iſte Phaphus nocebit ? deſuper iſſiſſima die , ubi per pontem Pragenſem , aurâ tranquilla tranſiens , publicam conſuſionem , & denudationem per elevationem togæ , & veſtimentorum paſſa fuerit.

Ad 64. Proceſſ. fol. 723.

Respondit : Hoc iam ſuperius dixi.

Ad 65.

Respondit : Jam dixi superiùs, me ab aliis audivisse illud exemplum, quod de certa foemina superiùs recensui; aliorum non recorder in specie, passim tamen exempla referri audivi.

IX. Testis ad 31. Process. fol. 754. tergo 755.

Respondit : Hoc est verum, quod semper audiverim, & talis fama continua fuerit, & absque dubio alii Antecessores pariter id à suis Majoribus habuerint, & sic narrari audiverint, quis enim vellet mentiri in re tam gravi, & aggravare sibi conscientiam?

Ad 64. Process. fol. 758. & tergo.

Respondit : Absque dubio, sic semper à Parente meo, & aliis Prædecessoribus audivi.

Ad 65.

Respondit : Parens meus mihi narraverat hæc prodigia contigisse, quæ sculptura è regione tumuli apposita exhibet. Recorder etiam recentioris cuiusdam casûs, hominis Acatolici, & mercatoris Dresdensis, qui curiositate ductus cum meis consanguineis Acatolicis Dresdensibus Ecclesiam Metropolitanam accessit, & ad sepulchrum D. Joannis Nepomuceni quosdam sermones in contemptum Sancti protulit, & monitus ab eisdem consanguineis Acatolicis, ut desisteret, non destitit. Desuper mox descendens è gradibus arcensibus, sibi fragmentum ligni profundè in manum intrusit cum magno dolore, & copiosa sanguinis effusione. Quod ipsi Acatolici ejus Comites, & priùs Monitores tanquam punitionem DEI propter dishonoratum Sanctum ei inflictam interpretati sunt.

XIV. Testis ad 31. Process. fol. 815. terg.

Respondit : Hoc est verum, fuit semper talis fama, & de factò durat.

Ad 32.

Respondit : Omninò.

Ad 64. Process. fol. 819. tergo 820.

Respondit : Audivi hoc à meis Majoribus , & etiam à multis aliis fide dignis.

Ad 65.

Respondit : Narrârunt plura , & mihi metipsi contigit : dum enim circiter ante 28. annos in florida ætate mea constitutus in Ecclesia S. Wenceslai in monte Prošik propè Pragam statuum hujus Sancti valdè ruditer , & ad risum commovente figurâ elaboratam conspexissem , & ego Viris honoratis mihi assidentibus , non sine risu illam ostendissem ; sensi immediatè remorsum conscientiæ , ne ob id aliquem pudorem illâ die incurrerem. Quod etiam eâdem die mihi accidit ; nam post prandium , dum domum Pragam curru perrexissem , vidi post me pergentes eosdem Viros honoratos , qui priùs mecum , in eâdem Ecclesiâ erant , curavi meum currum sisti , usque dum ipsi appropinquarent. Volens ipsis loqui : descendi ex meo curru in viâ planâ , non lutosa , nec ullô modô lubricâ ; subito concidi in terram , & notabili tempore , quasi manibûs , pedibûsque ligatus , nullatenus me erigere , & consurgere potui , donec dicti viri honorati cum maxima mei irrisione discessissent.

XVI. Testis ad 3 r. Process. fol. 839. tergo.

Respondit : Sic à meis Maioribus narrari audivi.

Ad 32.

Respondit : Utique narrarunt , quod hoc etiam à suis Maioribus audiverint.

Ad Process. fol. 843. tergo 844.

Respondit : Audivi tam à Majoribus meis , quam etiam ex publica fama tum Pragæ , tum alibi.

Ad 65.

Respondit : Narravit defuncta Avia mea , Avus , & alii Maiores mei , quod tempore insultûs Palatini quidam temerarii hæretici inceperint decutere Clathros ferreos ad sepulchrum S. Joannis Nepomuceni , & supra sepulchrum cum contemptu saltitare ,

quorum unus à Deo punitus , & prostratus veluti mortuus ex Ecclesia fuit alportatus.

XX. Testis ad 31. Process. fol. 877.

Respondit : Hoc est certum , hoc mihi semper meus Avus narraverat , quod , quandocunque aliquis temerè locum sepulchri hujus Sancti inhonoratè attentavit , poena Dei semper subsequuta fuerit.

Ad 32.

Respondit : Necessariò etiam Majores mei id ipsum à suis Majoribus narrari audiverunt.

Ad 64. Process. fol. 881.

Respondit : Hoc meus Avus jam narraverat , quod , quicunque dishonorat hunc Sanctum , Deus illum puniat.

Ad 65.

Respondit : ità est , narrârunt mihi de illis hæreticis , qui in invasione Palatini sepulchrum hujus Sancti temerè violare attentârunt , à Deo tunc statim punitis , ità , ut Rex Fridericus , ut supra dixi , curaverit locum asseribus claudi , ut ampliùs non daretur accessus , & dishonoratio evitaretur.

Concordant cum suprâ dictis Testibus II. Process. fol. 668. & 671. tergo IV. fol. 693, & 696. terg. V. fol. 705. terg. 709. VII. fol. 731. terg. 736. VIII. fol. 745, terg. , & 748. X. fol. 766. & 770. XI. fol. 777. terg. & 781. XII. fol. 789. XIII. fol. 803. & 807. XV. fol. 829. & 831. XVII. fol. 852. & 856. XIX. fol. 864. tergo, & 868. XXI. fol. 888. & 890. XXIII. fol. 899, & 902. tergo.

Fuit autem I. Testis Illustrissimus , & Excellentissimus D. Franciscus Carolus Przechorsowski S. R. I. Comes de Quaslegowitz S. C. Regiæque Majestatis intimus Consiliarius , Locumtenens , & supremus Regni Bohemiæ Judex , annorum 75. Proc. fol. 650. tergo.

III. Illustrissimus , & Excellentissimus D. Wenceslaus Ignatius Wratistlaw S. R. I. Comes de Mitrowitz , Sacræ Cæsareæ , Regiæque

giæque Maiestatis intimus Consiliarius , & Regiæ Camerae Bohemicae pariter Consiliarius annorum 70. Process. fol. 676.

VI. Perillustris D. Franciscus Nicolaus Alsterle de Altfeldt annorum 64. proc. fol. 714.

IX. Reverendissimus D. Tobias Adalbertus Opitz Prælatum, & Archidiaconum sanctæ Metropolitanæ Ecclesiæ ad D. Vitum in Castro Pragensi annorum 71. proc. fol. 751.

XIV. Prænobilis , & Consultissimus D. Bohuslaus Joannes Worzikowky à Kundratitz Sacræ Cæsareæ , Regiæque Majestatis Consiliarius annorum 59. Process. fol. 811.

XVI. D. Martinus Hawliciek annorum 70. process. fol. 836.

XX. D. Joannes Benedictus Petzker ad Regias Tabulas Feudales Camerlingus annorum 78. process. fol. 873. Testis ex officio inductus proc. fol. 137. ter.

*Ex Actis Sanctorum apud Continuatores Bollandi Compulsat.
process. fol. 592.*

Vigesimo tertio. Illud permirum , neque minùs certum , & privilegiatum : quicumque Beati Joannis tumulum , calcant , præsertim si contempserint , eos ipsa die infamiam incurrere , & vitare non posse , & omnium Catholicorum Pragensium nostræ , & superioris ætatis consensu , atque exemplis plurimis constat.

Vigesimo septimo. Ob hanc igitur causam , & sæva in calcantes exempla edita , cum jam pridem ferrei Clathri ad unius ferè ulnæ altitudinem prætenti essent , Canonici novis aliis cratibus sepulchrum cinxerunt , qui clathri faciliè tres ulnas altitudine æquant , ut nisi ægerrimè vix esse cuiquam improbo & injurio liceat &c.

*Ex Joanne Thoma Pessina de Czechord in Phosphoro septicorni
pag. 503. Compulsat. proc. fol. 521. à tergo, & 523. tergo.*

Id porro , quod ultionem divinam non evitent , qui locum sepulturæ ejus temerè , & per contemptum calcant pluribus exemplis

plis recentioribus juxtà , ac vetustis , & quidem tot , ut facilè justum volumen conficere possem , sed propositæ brevitatis memor &c. describenda relinquo &c. Ampliora de hac materia idem Author inferiùs repetit , process. fol. 532. & terg.

Ex Patre Joanne Tanner in vita P. Alberti Kanowski compulsat. process. fol. 548. tergo.

Quia tamen reperti sunt nonnulli , qui cultum Sancti , & Martyris Venerabili huic Viro denegarent , ejusque apud DEUM merita despicerent , adeoque locum Sepulturæ ejus per contemptum auderent calcare , fiebat , ut mox Divina in eos ultio subsecuta ostenderet , quò locò Martyr ille esset in cœlis ; deprehensum namque , & vulgò observatum est , eâ ipsâ adhuc die publicam aliquam homines illos pati solitos ignominiam , & gravissimo aliquo coram plebe affici à DEO consuevisse pudore , quæ res in causâ fuit primùm quidem , ut quibus ignominia , aut erubescentiæ periculum imminet , eum sibi passim , hodièque apud DEUM implorent patronum ; deinde verò , ut autoritate publica humus illa tota rudibus , & raris quibusdam cratibus ferreis cingeretur in signum populo , ne sacrum locum incauti facilè calcarent. Sed , quia adhuc petulantia patebat aditus , superaddita sunt elegantiores , ac densiores ferrea crates alteræ , quæ ita nunc locum altè ambiunt , ut videantur omnem injuriam à monumento illo satè prohibere , &c.

Ex Bartholomæo Paproczi in libro , cui titulus : Diadochos , sive successio Ducum & Regum Bohemia. Compulsat. process. fol. 544.

Hic multa facta sunt miracula , quorùm intuitu pro DEI Martyre habitus fuit , & quicumque adversùs hoc errat , ac frivole cum contemptu super crucem in lapide exsectam conscendit , hac die mundi infamiam non evasit ; ex qua causa jusserunt Prælati hoc Sepulchrum ferrea crate circumdare.

Ex

Ex Joanne Jacobo de Weingarten in speculo Principum, seu Monarchia Serenissimæ Domûs Austriacæ part. 2. fol. 221.

Compulsat. Procefs. fol. 618.

Ac circa hunc locum Crates factæ sunt, ne ullus hunc locum dishonorare posset; siquidem sæpius miracula contigerunt, atque etiam hoc, ut ille, qui datâ operâ, seu studiô tantummodò unicum pedem super lapidem sepulchralem posuit, hanc diem sine infamia consummare non potuerit.

Ex extractu litterarum, quæ Pragæ scriptæ fuerant ad quendam notum amicum super devastatione Metropolitana Ecclesiæ, impress. annò 1620. Compulsat. Proc. fol. 620.

Pagina secunda.

Feriâ secundâ Natalis Domini ex utraque parte penès chorum, quâ ad Sepulchrum Divi Confessoris Joannis, uti & ex altera parte apud Sacristiam, quâ ad S. Vitum circuitur, omnia Tabulis, & asseribus, ac clavis fuerunt obfirmata; de causâ hujus rei, rarus, & diversus est in communi discursus, totum celatur, & supprimitur, nonnulli dicunt, quod quidam, qui temerè supra Sepulchrum D. Joannis ivit, sicut furiosus ceciderit, & rugiebat, alii dicunt, quod præcipua quædam persona apud Sepulchrum S. Viri subitanè morte fuisset demortua, alii dicunt, quod aliquid mirabile circa hæc loca apud hos Sanctos contigerit.

Sequitur Elenchus aliorum Scriptorum, qui testantur, quod violantes Sepulchrum Servi DEI semper infamiam incurrant.

L Laurentius Beierlinck in Theatro vitæ humanæ tom. 4. l. 10. pag. 173. litt. L. Compulsat. Proc. fol. 503. terg.

Bzovius in annalibus Ecclesiasticis tom. 15. pag. 214. Compulsat. Procefs. fol. 504. tergo.

Martinus Boregk in Bohemica historia part. 1. pag. 335. compulsat. Process. folio 406. ita Auctor hic Heterodoxus Process. fol. 420.

Georgius Bartholdus Pontanus in Bohemia Pia lib. 4. fol. 50. Compulsat. Process. fol. 574.

P. Odoricus Raynaldus in annalibus Ecclesiasticis tomo 17. pag. 248. Compulsat. Process. fol. 554.

Joannes Thomas Pessina in Marte Moravico fol. 437. Compulsat. Process. fol. 614.

P. Georgius Ferus in fama posthuma Joannis Nepomuceni Compulsat. Proc. fol. 624. tergo, & de cratibus.

Hæc item omnia ex actis, & libro sæpe dicto.

CAPUT QUARTUM.

*Sub Innocentio decimo tertio Joannes Beatis
adscibitur, ejusdemque incorruptæ linguæ, &
reliquiarum translatio celebratur.*

Nondum mensis abierat, quo Innocentius decimus tertius Ecclesiam gubernandam suscepit, cum cœptam sub Decessore Clemente causam continuandam sibi sumpsit, Joannémque ritè Beatis adlegit, edito 31. Maji super hoc Brevi Apostolico. Deinde votum congregationis tertix die 7. Junij habitæ benignè approbavit pro concessione officii, & missæ de communi unius Martyris sub ritu duplici pro Regno Boëmæ, & sub ritu semiduplici, pro Germania, & Statibus hæreditariis Augustissimæ Domûs Austriacæ, & quoad translationem Corporis pro gratia ad effectum collocandi intra mensam Altaris ad arbitrium Reverendissimi Archiepiscopi Pragensis.

Ac de primo quidem, seu concessione officii, & missæ literæ Apostolicæ datæ sunt 26. Junij: alteri autem destinata fuit Pragæ 4. dies Julij ejusdem anni 1721. ; quæ solennitas in sæpe citatis actis sub finem præfationis sic describitur:

Vix allatum erat Nuncium desideratissimæ hujus sententiæ, & mox dies 4. Julij, Sancto Procopio sacra, denominabatur, pro primis solemnibus glorioso Martyri exhibendis, quæ per præsentiam Augustissimæ Imperatricis ex thermis Carolinis Viennam remeantibus, magnificabantur, dumque tempestivè sacra ossa cum incorrupta lingua ex tumultu levata in Capella S. Wenceslai tantisper honorificè deposita essent, comparuit dicto die invitatus Regni Clerus, Regium Gubernium cum cæteris Dicasteriis, Universitas Pragensis, cum Magistratibus triurbis, confluit vix non integra Boëma Nobilitas, & innumerus fuit populus præsens, ut & videret prodigium, quod Deus cum conservata sacra lingua operatus erat, & ut sacra ossa veneraretur; portavit in ordinata processione sæpius dictam sacram linguam Reverendissimus, & Cellissimus Ordinarius, sacrum Corpus autem humeris imposuerunt sex Canonici Ecclesiæ Metropolitanæ usque ad Domum Præpositalem, ubi illud susceperunt sex in Regno Prælati, quibus in designata statione sex alii, & his Universitatis Professores, his autem Leutomericensis, & Regina Radecensis Ecclesiarum Canonici, & demum Curati Pragenses successerunt, donec ad introitum Metropolitanæ Ecclesiæ, portandi honor ad Canonicos iterum redierit, qui illud ad mensam supra tumulum intra duo Altaria Sancto nostro jam à pluribus annis constructa reposuerunt, in qua defuncto publicæ venerationi expositum conspicitur, Sacra autem lingua in Capella S. Wenceslao dicata religiosè custoditur; claudebatur Solemnitas hymnò Ambrosianò, & Sacrificiò Missæ Deo in honorem S. Joannis oblatò; continuata fuit sollemnitas inexplicabili hominum confluxu per octiduum, sed & hoc lapsò non cessat devotus populus quotidie apud Sacra Ossa comparere, & patrocini-

nium implorare, vel pro impetratis gratiis gratias referre; frui-
tur is nunc Martyris honore per Authoritatem Christi in terris
Vicarii, qui, ut ipsum formali Canonizatione ante diem Anni-
versariam Sanctorum Albo inserat, sperant, & rogant devoti Cli-
entes, est ad hoc materia præparata, prodigia, & miracula exa-
minata, & per juratos Testes probata, & quid testibus opus est?
cum Deus Sanctitatem Viri per conservationem illius instrumen-
ti, quò Secretum Sacramenti custodire, & potius mori voluit, mi-
litanti Ecclesiæ manifestam reddat, nec enim hic naturalis ratio
obtendi, nec oculus falli potest, qui de hoc dubitat, scrutetur Me-
dicorum, & Chirurgorum examina, adeat Pragam, & magnalia
Dei videbit, per quæ virtutem sui fidelis Servi coronavit. Hæc
ibi.

Ultimum hoc novum, & insigne miraculum Postulatores
Processus secundi art. 1. num. 6. sic proposuere:

Porrò ejusmodi manifestationis gloriæ B. Joannis novum
nuperrimè emerfit augmentum ob evidentissimum prodigium,
quod hætenus in abdito manserat, occasione aperitionis Sepul-
chri, præmissâ recognitione identitatis, ex depositione duorum
Testium *Summario* n. 14. §. 1. & 2., ac ex inscriptione nominis
Joannes de Pomuk *ibidem* §. 9. cum assistentia trium peritorum
in arte Medica, ac duorum in Chirurgica, *ibidem* §. 3. eò apertò,
egestaque humò, quâ locus oppletus erat, aspectui se obtulit
cadaver ejusdem B. Joannis, *ibidem* §. 10., quod, licet carne exu-
tum, nihilominus apparuit eâ formâ collocatum, ut inspectò na-
turali ordine concinnius adaptari non potuisset juxta judicium Me-
dicorum, *ibidem* §. 12. 16. §. 19., 23. & 26. 30. & Chirurgorum
ibidem §. 33. 37. & 40. Ulterius Castæ lateris sinistri succò plenæ,
seu quodam oleaginoso humore madidæ visæ sunt, ut referunt
Medici, *ibidem* §. 13. 20. & 27, & concordant Chirurgi, *ibidem*
§. 34. & 41.

At hîc prodigiis modum non statuit Divinæ dispensationis dignatio. Tota Corporis mole, ut mox dictum, exesâ, eâque ossibus duntaxat hærente, lingua reperta est corruptionis experts, manénsque in substantia, figura, & colore, quibus pars hæc verè prædita est. Sic affirmant periti omnes, *Summario dicto n. 14. §. 14. 21. 28. 35. & 42.* una voce, & consensu ejusmodi conservationem naturæ vires excedere concludentes, ex quo lingua inter cætera hominis membra celeriori obnoxia sit consumptioni, & citra miraculum in decursu trium sæculorum, & ultrà, illam dari non potuisse, *ibidem §. 16. 23. 29. 37. & 44.*

Incorruptioni linguæ mirabile aliud in occipite accessit stigma. In parte siquidem illius sinistra observata est duplex macula rubrofusci coloris, parvæ peripheriæ, quarum una aliquantum dura, altera verò mollis, paulatim compressa, in parvum desiit foramen, *Summario n. 14. §. 15. 22. 29. 36. & 43.* quas maculas productas ex allisione Corporis in aliquam petram, cum B. Joannes in Moldavam flumen dejectus fuit, vel ex alia violenta percussione, cum scilicet cruciaretur, sententia fuit unanimis peritorum, *ut in §§. proximè citatis.*

Quid autem portenderit Deus hisce Omnipotentia signis, humanæ imbecillitatis non est scrutari. Hoc unum tamen pro Sanctitatis Nepomuceni demonstratione reverenter edicere fas sit, quòd, cum ille Divino obtemperans præcepto, custodiam linguæ posuerit, ne arcanum Sacramentale vulgaret, ea propter hæc pars in heroicæ virtutis præmium supernè clarificata fuerit: Notum est, quod de Lingua S. Antonii vulgò Patavini contigit, sex lustra, paulòque plùs ab ejus obitu, effluxerant, quando in translatione Corporis peracta annò 1263. Lingua illius apparuit incorrupta; quò prodigio percitus S. Benaventura, tunc adstans in eas voces prorupit: *ô Lingua benedicta, quæ semper Dominum benedixisti, & alios benedicere fecisti, nunc manifestè apparet, quanti existis meriti apud Deum* - - Sic habetur in libro vetusto miraculorum S. An-

tonii cap. 7. num. 69. apud Continuatores Bollandi ad diem 13. Junii.

Nec dissimile est, quod de eodem S. Bonaventura in Oratione habita pro ejus Canonizatione retulit Advocatus Consistorialis Octavianus de Martinis; pro compendio siquidem illius Sanctimonie palam fecit, quod in translatione cadaveris centesimo, & sexagesimo anno, postquam Sanctus vitam decesserat, secuta, dum reliquum Corporis erat consumptum, Caput solidum in cunctis partibus repertum fuerit, ut evincitur ex actis Canonizationis post ejus opuscula tom. 2. Quare actum videtur, quod, sicut Deus morem, ac institutum pie, sancteque concionandi, ac loquendi, quo uterque Confessor illum glorificaverant, prodigiosam Linguae, Capitique conservatione honoravit, ita pari pacto per Linguae incorruptionem Martyris fortitudinem, qui eum silentio confessus est, modo exaltare dignoscatur. Hæc in dicta postulatione. Sed hæc juverit ex ipsis Actis Canonizationis ediscere, ubi sic à fol. 363. Summarii secundi Processus num. 14.

Die decimâ quintâ Aprilis anno millesimo septingentesimo decimo nono, horâ nonâ de mane, & subsequentibus habita fuit, præmissis præmittendis, ac observatis observandis, Visitatio Sepulchri, & Corporis, seu Reliquiarum Venerabilis Servi Dei Joannis Nepomuceni, in Sancta Metropolitana Ecclesia ad Divum Vitum in Castro Pragensi, coram Illustrissimo, & Reverendissimo Domino, Domino Ferdinando, Dei, & Sanctæ Sedis Apostolicæ gratiâ Archi-Episcopo Pragensi, Domino Promotore Fiscali Joanne Francisco Blowsky, Domino Procuratore causæ Bernardo Henrico à Germeten. Ministris & Peritis, & aliis, vi Instructionis à Domino Judice deputatis, nec non Testibus pro sessione alias adhiberi solitis, & me Notario Actuario præsentibus, ubi clausis foribus Ecclesiæ, & omnibus aliis exclusis, deinde processum fuit ad præassertam Visitationem modo sequenti.

Postea-

Posteaquam Illustrissimus, & Reverendissimus Dominus, Dominus Archi-Episcopus, quâ Judex, supradictâ die, horâ dimidiâ nonâ de mane, ex Palatio, seu Residentia Archi-Episcopali comitantibus eundem suis, quos habet, Aulicis, & aliis, ad supramemoratam Ecclesiam Metropolitanam Divi Viti in Castro Pragensi advenisset, & coram majori Ara ibidem genuflexus aliquantùm orâisset, comparuerunt deindè admodùm Reverendi Domini Joannes Florianus Hammerschmidt actualis Vetero-Pragæ in Theyn Curatus, & Wenceslaus Constantinus Potutziek dictæ Metropolitanæ Ecclesiæ Divi Viti in Castro Pragensi Sacristanus ad perhibendum testimonium veritatis, de loco Tumulationis, seu Sepulchri Venerabilis Servi Dei Joannis Nepomuceni, & eo designando per Nuncium deputatum juratum Michaëlem Zastiera pridie oretenus citati. Quibus taliter, ut suprâ comparentibus, Illustrissimus & Reverendissimus Dominus, Dominus Archi-Episcopus, quâ Judex, detulit Juramentum veritatis dicendæ, & secreti servandi. Quod juramentum etiam sibi delatum & acceptum, ipsi in continenti in manibus atrefati Illustrissimi & Reverendissimi Domini, Domini Archi-Episcopi, qua judicis, singillatim, & unus post alterum flexis genibus deposuerunt, ac præstiterunt in forma.

Sequitur Tenor Formæ Juramenti.

Post quod juramentum ab utroque supranominatorum singillatim, ac unus post alterum corporaliter præstitum, & depositum, fuit unus post alterum interrogatus.

Primò quomodo vocatur, & cujus est ætatis? Respondit: Vocor Florianus Hammerschmidt actualis Vetero-Pragæ in Theyn Curatus, sum annorum sexaginta sex die quarta Maji præsentis millesimi septingentesimi decimi noni anni complemendorum.

Secundo interrogatus, Scitne locum Tumulationis, seu Sepulchri Venerabilis Servi Dei Joannis Nepomuceni, an, & ubi illud in hac Metropolitana Ecclesia existat?

Respondit. Semper audiui & legi, & fuit talis fama publica, quod hic in Ecclesia Metropolitana Sancti Viti; in ambitu versùs Portam ex parte sitam sepultus jaceat, estque hoc publicum, & notorium, & vidi etiam ad hoc illius Sepulchrum homines flectentes, & orantes.

Post hoc vocatus est alter, interrogatùsque.

Ad primum quæsitum, ut supra.

Respondit. Vocor Wenceslaus Constantinus Potutziek Sanctæ Metropolitanæ Ecclesiæ actualis Sacristanus, ætatis meæ sum annorum triginta quinque.

Ad secundum quæsitum autem.

Respondit. Scio usu quotidianò, quia video homines ad Sepulchrum hoc flectentes, devotionem peragentes, sicut & Sacerdotes Missas legentes, & etiam sic semper audiui, & legi, estque de hoc publica vox, & fama.

Post hanc factam depositionem, vocati fuerunt tres Medici, & duo Chirurgi superius in actis jam nominati, videlicet D. Joannes Franciscus Leo, seu Löw ab Erlsfeldt, D. Joannes Carolus Puchmann, & D. Sebastianus Fuchs Medicinæ, & respectivè Chirurgiæ Doctores, nec non D. Joannes Jacobus Schutzbreth, & D. Ferdinandus Schoberth de Hochenorth jurati Chirurgi; præterea duo Scriptores, seu Antiquarii, nominatim admodum Reverendi Domini Joannes Florianus Hammerichmidt, & Wenceslaus Constantinus Potutziek supradicti.

Quibus omnibus Illustrissimus, & Reverendissimus Dominus, Dominus Archi-Episcopus detulit Juramentum veritatis dicendæ, servandi secreti, quod Juramentum etiam sibi taliter delatum, & acceptatum, illicò in manibus altermemorati Illustrissimi, & Reverendissimi Domini, Domini Archi-Episcopi, quæ Judicis, in primis Medici, & Antiquarii supradicti, postea Chirurgi, ut infra singillatim, & unus post alterum flexis genibus præstiterunt, & corporaliter deposuerunt in forma.

Sequi-

Sequitur Tenor Formæ Juramenti.

Postmodum accesserunt supra recensiti duo jurati Chirurghi, & unus post alterum genuflexus præstitit Juramentum.

Sequitur Tenor Formæ Juramenti.

Quo Juramento à dictis Dominis duobus juratis Chirurgis, nempe Domino Joanne Jacobo Schutzbreth, & Domino Ferdinando Schoberth de Hochenorth corporaliter præstito, postea deductus fuit Illustrissimus, & Reverendissimus Dominus, Dominus Archi-Episcopus, qua Judex, omnibus, qui ad Visitationem, & aperitionem Sepulchri spectabant, & necessarij erant, eundem à majori Ara ad ambitum supra nominatum in dicta Metropolitana Ecclesia situm comitantibus, cui ibidem constituto à Domino Joanne Floriano Hammerichmidt, & Domino Wenceslao Constantino Potutziek jurato, (ut supra) hoc in passu, auditis, ac examinatis, monstratus fuit locus tumulationis, seu Sepulchri, in quo Corpus Venerabilis Servi DEI Joannis Nepomuceni sepultum jacet; ubi remoto, die antecedente per Fabros murarios, post depositum ab eisdem (ut suprâ in actis) corporale juramentum, Mausolæo, seu Cincturâ circa prædictum Sepulchrum venerabilis Servi DEI Joannis Nepomuceni, de anno millesimo sexcentesimo nonagesimo secundo affabre factâ ut forma ejus in Cupro excisa, & in rubro taffeta expressâ, infrâ in actis apposita, plurimis Lampadibus potissimum ex argento, item Anathematibus, & Tabellis, atque Cereis magnæ crassitudinis, & ponderis suprâ, & circa prædictum Sepulchrum respectivè pendulis, & apposisis (de quibus, uti & de insigni Candelabro, ex aurichalco, in lapide sepulchrali sæpèdicti Venerabilis Servi DEI Joannis Nepomuceni collocato, nunc autem inde levato, ac remoto in visitatione, & recognitione Lampadum, monumentorum, &c. infrâ agetur) indicatâque per Illustrissimum, & Reverendissimum Dominum, Dominum Archi-Episcopum, quâ Judicem, ad captum omnium ibidem præsentium deputatorum, & qui aliàs necessarij erant, poenâ ex-

communicationis latæ sententiæ contrà quemlibet , qui auderet ,
cujusvis devotionis prætextu , ex dicto sepulchro , seu corpore ,
aut Vestibus Venerabilis Servi DEI Joannis Nepomuceni aliquid
etiam minimum auferre , aut ibidem quidpiam apponere.

Posteà deventum fuit ad aperitionem Sepulchri, levato priùs à
Sepulchro ejusmodi superimposito lapide Sepulchrali formâ oblon-
gâ, coloris fusci ex marmore ; longitudinis propè quatuor, & latitudi-
nis propè duarum ulnarum, crassitudinis autem aliquid supra ulnæ
quadrantem : una cum Clathris, seu Cratibus ferreis minoribus rudis
operis lapidi infixis, longitudinis tantæ, quanta est lapis sepulchralis,
nimirum propè quatuor ulnarum, & altitudinis unius ulnæ, per Fa-
bros ferrarios, & ferrarios exposit ad vicinum Sacellum depositis. Quòd
autem memoratus lapis sepulchralis , in sui per Fabros murarios
facta, ex Sepulchro remotione , per medium fractus fuerit, dede-
rant iidem Fabri murarii rationem scientiæ , quòd lapis iste , sit
antiquissimi laboris , & per temporis diuturnitatem hinc indè at-
tritus. Post hoc vocati fuerunt Fabri ferrarii, & ferrarii supranomi-
nati, qui de antiquitate dictorum Clathrorum, seu Cratium fer-
rearum , vi à se præstiti Juramenti unanimiter edixerunt , quòd
opus hoc Cratium sit ab aliquo Fabro ferario confectum, idque
propter ligaturas , judicéntque ex ipsiusmet operis ruditate , esse
ducentorum, vel trecentorum annorum ; has Crates autem seu
Clathros ferreos, ideò fuisse appositos, ne dehonoraretur hoc Se-
pulchrum, & circa hujusmodi Sepulchrum singulare esse id, quòd
apud alia, etiam Archi-Episcoporum & Episcoporum, atque Ca-
nonicorum in Sancta Metropolitana Ecclesia Pragensi existentia
Sepulchra , quid simile non inveniatur. Quoad lapidem sepul-
chralenr, autem testati sunt, & judicarunt, testantur, & judicant
periti, quòd lapis iste sepulchralis jam trecentis, aut ducentis an-
nis, & ultra videatur fuisse sepulchro superimpositus, cùm ferme
totus hinc inde sit mutilatus , & ab igne, & incendio , quod hic
Pragæ de anno millesimo quinquagesimo quadragesimo primo in
Arce

Arce Regia exortum , est , adeò læsus , ut hinc inde suprà illum sint foramina ad crassitiem unius digiti.

Et quia per sedulam inspectionem compertum fuit, quòd super eodem lapide sepulchrali, in summitate ejusdem incisa, seu insculpta sint caractere prorsus antiquissimò, sequentia videlicet :

JOANNES DE POMVK.

Hinc auditi, & exanimati desuper Antiquarii, seu Scriptores practici characterum antiquorum supradicti, nempè Dominus Joannes Florianus Hammer Schmidt, & Dominus Wenceslaus Constantinus Potutzjek, vi sui à se (ut suprà in actis) corporaliter præstiti juramenti, judicarunt, & censuerunt, judicant, & censent, quòd sit in hoc lapide sepulchrali talis character, prout illò tempore, videlicet de anno millesimo tercentesimo octuagesimo tertio in usu erat, ac etiam ex ea ratione, quòd apices literarum, in Sacello Sternbergico Beatissimæ Virginis Annuntiatae, sepulchro Venerabilis Servi DEI Joannis Nepomuceni vicino, suprà murum colore nigrò scripti, & appositi de anno millesimo bicescentesimo trigésimo, & ex parte adversa de anno millesimo bicescentesimo, septuagesimò octavo sint consimiles, & ejusdem formæ, cujus sunt apices literarum super lapide sepulchrali d. Ven. Servi DEI Joannis Nepomuceni incisi, seu exsculpti.

His peractis, deinde processum est ad ejectionem Terræ, seu expositionem de sepulchro præfato, cujus longitudo trium ulnarum, latitudo autem unius ulnæ, & unius quadrantis fuit observata. Et postquam ejusmodi Terra ad bonas duas ulnas infra lapidem sepulchralem, ut supra, levatum, ac remotum, exposita fuisset, inventum fuit Corpus, quod jacuit in pleno ordine, prout positum erat, versus Orientem, sicut Sacerdotes tumulari solent, capite ad dextram partem aliququaliter inclinatò, positus per Crucem manuum Ossibus sine carne, & sarcophago, præter ali-

quas minutias ejusdem lignei sarcophagi, quas jurati arcularii, circa hoc examinati partim ex quercu, partim ex pinu esse deposuerunt; sicut & minutias nigri coloris, quæ creduntur ex veste Clericali, & particellam materiæ subrubræ.

Demum ad instantiam D. Promotoris Fidei Joannis Francisci Blowsky Juris Utriusque Doctoris vocavit Illustrissimus, & Reverendissimus Dominus, Dominus Archi-Episcopus, quæ Judex, Dominos Medicos, juramentò obstrictos, una cum Chirurgis pariter juramentò obstrictis, & petit d. Dominus Promotor Fidei, ut tam iidem Medici, quàm Chirurghi, in virtute gravissimi Juramenti circumstantialiter edicant, quid, & qualiter, de hoc Corpore sentiant, & an aliquid particulare, ac ultra naturale penes illud inveniant, & sentimentis sui congruam reddant rationem; lustrato igitur Corpore, edixerunt ad infra-scripta quæsitæ; Medicus primus D. Joannes Franciscus Leo, seu Löw ab Erlsfeldt.

Quæsitum primum.

Quomodo vocatur, & cujus ætatis?

Respondit. Vocor Joannes Franciscus Leo ab Erlsfeld (sic enim Romæ in Academia de anno millesimo sexcentesimo septuagesimo quinto in anno Sancto immatriculatus invenior) ætatis septuaginta unius anni.

Quæsitum secundum.

Quot annis in Professione Medica persistit?

Respondit. Quadraginta octo anni lapsi sunt, à quo in Universitate Carolo-Ferdinandea Pragensi in Doctorem Medicinæ promotus sum! Professor autem in eadem Medicina, triginta aliquot annis. Senior verò, annis viginti, pluries Rector Magnificus, & facultatis Decanus, Aulæ Cæsareæ Medicus, & suæ Sacræ Cæsareæ, Regiæque Catholicæ Majestatis Consiliarius.

Quæsitum tertium.

Multasne per hoc tempus exercuit Anatomias?

Respon-

Respondit. Romæ, & Paduæ plures. Hic autem Pragæ etiam plures, partim etiam præparavi.

Quæsitum quartum.

Respondeat in virtute gravis præstiti Juramenti, quid de Corpore hic exhibito Venerabilis Servi DEI Joannis Nepomuceni, & qualiter sentiat?

Respondit. Ego omni, quâ humanâ potest fieri observantiâ, & sedulitate, circumspèctione, & dexteritate, hocce Corpus, omni quidem Carne orbatum deprehendo. Ossâ verò integerrimè, itâ sibi unita, ut nullâ arte melius, & firmitus jungi, ac componi potuissent. Unicum tamen Os Thoracis, Sternum dictum (quod meò judiciò videtur à pondere lapidis, & copiosæ terræ incumbentis compressum) à Costis aliàs ipsi insertis, disjunctum, & separatum invenio; Costæ autem omnes ferè integræ à parte postica Vertebrae dorsi firmissimè, & naturaliter junctæ sunt. Imo (quod admiratione dignum invenio) lateris sinistri Costæ prope modum adhuc omnes succulentæ visu, & tactu apparent; Caput à multitudine incumbentis terræ versus Nucham, obliquè depressum, submissè aliquàlter jacens, conspicio externè integrum maxillis utrisque cum Dentibus ad invicem rite unitis, internè Ossibus Palati *Æthmoidis*, seu Nasi, aliisque vicinis, nonnisi sine speciali DEI dispositione consumptis, nam dum Calvariam Terrâ repletissimam, sed evacuatam intueor, ad stuporem, & admirationem massam quandam in figura, substantia, textura fibrosâ, nec non colore rubro, adæquatè veram linguam repræsentantem conspicio, & reperio, qualem etiam turâ conscientiam esse assero, tanquam meò judiciò Instrumentum, quo Sanctum Sacramentum servavit, custoditam esse firmiter credo. Præterea in Calvariæ occipite, ex sinistra parte maculam quandam rubrofuscam, in magnitudine duplicati aurei, similem paulò supra maculam magis nigricantem undiquè mollem (quæ compressâ in foramellum cecidit) Calvariam penetrantem observo, prout in Ossè (lateris

ejusdem) scapulæ. Quas maculas forsitan ex dejectione tantæ altitudinis Pontis, & allisione in lapidem quendam, aut aliâ violentiâ illatâ inde subsecutas judico. Cæterum toti Corpori nihil prorsus deesse sedulo observo, præterquam dextri genu patellam, ac unum, alterumve Ossiculum metatarsi, quæ sensum meum hucusque effugerunt. Postea ad novam factam a D. Promotore Fiscali instantiam ex eodem D. Medico.

Quæsitum quintum.

Potestne Excellentissima Dominatio Vestra optima conscientia, & pro genuina veritate hæc omnia mox recensita edicere, præcipuè autem ratione Linguae; & unde scit, quòd ratione ejusdem Linguae aliquid plane extraordinarium, & supernaturale inveniat? Desuper.

Respondit. Possum, & edico, quòd autem linguam concernit, quòd hæc citra miraculum, naturaliter conservari non poterit, inde infero; quia apud alia Corpora membrum lingue primum putrefactioni obnoxium est. Hic verò in tanta temporis intercapedine, quæ tria Sæcula excedit cum hac substantia, figura, & integritate, atque colore naturaliter conservari non potuit.

Quæsitum sextum.

Unde credit vestra Dominatio, quòd præsens Corpus sit Corpus Venerabilis Servi Dei Joannis Nepomuceni?

Respondit. Hoc ego ideò credo, quia inscriptum est lapidi Sepulchrali JOANNES DE POMUK. Item quia hoc toto tempore vitæ meæ ita audiui. Idem ex Historicis probatissimis legi, vidique Venerationem fieri ad hunc Tumulum. Item quia vidi particulas vestimenti nigri, & subrubei coloris, quod sepulturam Viri Sacerdotis denotat. Maximè autem me convincit tam succositas inconsueta Ossium, quàm supernaturalis conservatio Linguae, & signa Concussionis Calvariae, & Ossis Scapulæ sinistræ. Firmum autem est, quòd violenter de Ponte dejectus fuerit, & hinc hæc signa vulnere, & concussionis monstrant.

Medi-

Medicus secundus D. Joan. Carolus Puchmann.

Ad quæsitum primum ut suprà.

Respondit. Vocor Joannes Carolus Puchmann, ætatis meæ quinquaginta quatuor annorum.

Ad quæsitum secundum, ut suprà.

Respondit. In Professione Medica persisto triginta annis. Promotus autem sum in Carolo-Ferdinanda Universitate Pragensi ante annos viginti quatuor, fui verò in praxi ante promotionem aliquot annis, quia apud D. Doctorem Medicinæ quondam Jacobum Dobrzansky de Nigroponte Socerum meum eandem praxin frequentavi, & cum ipso practicavi.

Ad quæsitum quartum ut suprà.

Respondit. Dum omni sedulitate, & cum omnibus circumstantiis hocce Corpus sufficienter intuitus fuissèm, video quidem sine Carne esse; Ossâ autem ità articulata sibi invicem, ut nullo modo meliùs componi potuissent; & ita quidem, quòd nulla suspicio subesse possit, cum Ossibus his nunquam motum fuisse. Hoc tamen observo, quòd os Sterni, seu Thoracis deorsum compressum sit à pondere Terræ; Costæ verò ferè integræ, partim protuberantes, partim fractæ, & partes in Terra intra Thoracem existentes inventæ; attamen Vertebrae Spinæ Dorsi firmissimè, & prorsus naturali modò cohærentes, & quod singulare est à parte lateris sinistri, Costæ propemodùm omnes adhuc succulentæ visu, & tactu quasi oleoginosæ apparent. Caput respectu visæ peripheriæ externæ totum integrum; Maxilla utraque, superior nempe, & inferior, dentibus in utraque integris adeò arctè clausis reperitur, ut nè tenuissimum filum intra dentes imponi possit. Maxilla autem inferiore amotâ, adverto, terram intus esse, hac separatâ, Calvaria exposita, adverto copiam terræ in eadem Calvaria esse, hac effusâ, invenio adhærentem paululum excidere aliquam peculiarem substantiam, eamque mollem, laxam, raram, & spongiosam, adeò quòd nihil aliud judicem esse, nisi veram linguam, maxi-

maximè cum ad radicem Linguae, quatuor propagationes advertam, quas nil aliud esse judico, nisi quatuor musculos, in principio cuspidata, debitè sicut lingua solet esse, in medio latior, color verò prorsus linguae conveniens, rubellus. Calvariâ exemptâ, & à parte exteriori considerata, in Osse Occipitis parte dextra est macula subnigra duplex versùs partem magis inferiorem major, & dura; ac si tantum esset quædam suffusa nigredo; magis superius pars prorsus nigra, & mollis, quam dum premo, pertingo usque ad peripheriam interiorem Calvariæ adeò quòd perfectum foramellum maneat. Ex quibus judico, tam foramellum hoc, quàm maculam hanc magis infrà sitam, esse factam ab ictibus ad Venerabile caput impactis, an verò citiùs, quàm deorsum ad Flumen præcipitatus fuerit, facti sint hi ictus; an serius dum in flumen decidisset contusione facti fuerint, dici non potest, nam certum est, quòd pars confusa citiùs corrumpatur, quàm non confusa, & inde etiam totam reliquam Calvariâ immunem mansisse judico.

Ad quæsitum quintum ut suprâ.

Respondit. Possum, & etiam dico, quòd autem linguam attinget, Deus peculiari, & linguae taciturnæ convenienti miraculo hanc reposuit ad Occiput, quia Ossa Palati omnia consumpta sunt; Ita ut Calvaria exempta, sine omni fornice, seu sine omnibus Ossibus palati existat, & tantum Dentes in Maxilla superiore hæreant; quòd autem quid speciale, & supernaturale sit circa hanc Linguam, apparet exinde, cum lingua peculiaris sit substantia, eaque mollis, laxa, rara, spongiosa de saliva multum participans, adeoque facillimè corruptibilis, consequenter in quantum Sæculum, circa miraculum conservari non potuisset.

Ad quæsitum sextum ut suprâ.

Respondit. Ego credo Corpus hoc esse Corpus Venerabilis Servi DEI Joannis Nepomuceni, ex eo, quòd non tantum super lapide Sepulchrali oculis meis viderim, & legerim inscriptionem

JOAN.

JOANNES DE POMUK, sed etiam quia hoc loquuntur omnes Historiæ, & per totum tempus vitæ meæ ità audiui, quòd in hoc ipso loco jaceat Corpus Venerabilis Servi DEI Joannis Nepomuceni; cultum etiam ibi vidi, & signum Martyrii, dejectionis nimirum violentæ in aquam ex foramello, & concussionibus duabus quæ in Osse Occipitis observo, me convincit, ac demum conservatio Lingux mihi tollit omne dubium.

Medicus tertius Dominus Sebastianus Fuchs.

Ad quæsitum primum ut suprà.

Respondit. Vocor Sebastianus Fuchs, Medicinæ, & Chirurgiæ Doctor, ætatis meæ quadraginta sex annorum.

Ad quæsitum secundum ut suprà.

Respondit. Chirurgiæ Doctor promotus sum Romæ anno millesimo sexcentesimo nonagesimo, Medicinæ autem in universitate Carolo - Ferdinandeæ Pragensi anno millesimo sexcentesimo nonagesimo secundo; praxim medicam sequor ab isto tempore.

Ad quæsitum tertium ut suprà.

Respondit. Exercui hic publicè in Universitate Pragensi binas, & plures privatas, & interfui tempore studiorum in diversis Universitatibus, in specie Romæ, Patavii, & aliis plurimis.

Ad quæsitum quartum ut suprà.

Respondit. Video, quòd Corpus Venerabilis Servi DEI Joannis Nepomuceni ità jacuerit, ut non possit Corpus magis naturaliter compositè jacere, in illo loco, ubi per Historiam fide dignam, scimus, illud ante tercentum triginta sex annos religiosè depositum fuisse. Ab omni Carne quidem esse orbatum, integerrimè tamen ità esse conjunctum, ut nullà arte etiam anatomica, ita naturaliter conjungi Ossa invicem potuissent. In sterno autem tanquam Os Thoracis à pondere Terræ compressumprehenditur, ita ut à Costis illud ipsum Os sternum necessariò disjunctum sit. De cætero Costæ sunt omnes ferè integræ in parte postica vertebrae Dorsi firmissimè, & naturaliter connexæ. Admiratione autem dignum est, quod Costæ sinistri lateris prope-

modum omnes succulentæ, & verè oleoginosæ visu, & tactu sint, Caput in suo situ, & figura per suas vertebrae Colli debitè annexum est, solummodò, quòd parum versùs dextram partem obliquè depressum fuerit. Externæ maxillæ sibi invicem mediantibus dentibus limpidissimis correspondent, internè Ossâ Palati Athmoidis, seu Nasi cum reliquis vicinis consumpta sunt nonnisi speciali gratiâ DEI sic disponentis, ut conservaretur Lingua, quam, postquam Caput involutum fuisset cum copia Terræ ex Calvaria decidentem, reperio; quam linguam secundum figuram, substantiam, texturam fibrosam, nec non colore rubrò naturali constitutam, aliam partem Corporis, vel aliud quid heterogennii minimè suspicari possum. In Calvaria præterea, & quidem in Occipite ex sinistra parte observo maculam quandam rubrofuscam in magnitudine duplicati aurei, prout aliqua macula paulò supra aequaliter subnigricans, tota mollis, ita ut parum compressa in foramen deciderit. Quas maculas, prout, & illam, quam in Scapula sinistra observo, judico obvenisse ex aliqua violentia ante mortem introductas, sive ex allisione ad lapidem in dejectione, sive ex ictibus ante dejectionem illatis.

Ad quæsitum quintum ut suprâ.

Respondit. Possum, & dico, quoad miraculosam conservationem, & durationem Linguae, quòd Lingua sit substantiæ tenerimæ, & maximè corruptioni obnoxia; Omnis autem reliqua pars carnosâ densior, tenacior, prout, & ipsa Ossâ Palati, aliorumque consumpta fuerunt, hæc non nisi miraculosè conservata dici potest.

Ad quæsitum sextum ut suprâ.

Respondit. Credo primò ex inscriptione super lapide Sepulchrali, quam vidi, & legi tenoris sequentis JOANNES DE POMUK. Item secundò ex fide historica, ex monumentis ibi positâ, & Cultu, qui quotidie fit ipsi. Item ex istis particulis vestimenti nigri, & cerulei coloris, ex quo conjecturam capio, Sacerdotem ibi depositum fuisse. Tollit mihi autem omne dubium mira-

miraculosa conservatio Linguae, & Maculae in Calvaria repertae, quae sufficiens testimonium mihi praebent, Corpus Venerabilis Servi DEI Joannis Nepomuceni illud ipsum esse.

Postmodum vocati Chirurgi infra nominati, qui singillatim, & unus post alterum ad eadem quaesita, ut supra in Idiomate Germanico proposita deposuerunt, & edixerunt, ut sequitur.

Chirurgus primus D. Joan. Jacobus Schutzbreth.

Ad quaesitum primum.

Respondit. Ego vocor Joannes Jacobus Schutzbreth, ætatis meae sexaginta quinque annorum.

Ad quaesitum secundum ut supra.

Respondit. Ego ab infantia penes hoc sum educatus, siquidem meus defunctus Parens etiam Regni Chirurgus fuerit. Hic autem fui examinatus, & approbatus in hujate Universitate Carolo-Ferdinandea Pragensi.

Ad quaesitum tertium, ut supra.

Respondit. Ego diversis Anatomiis interfui, & etiam ipsemet ejusmodi operi manum apposui.

Ad quaesitum quartum, ut supra.

Respondit. Ego aliter edicere non possum, quàm quòd Corpus hoc quidem sine carne; Ossâ tamen taliter sibi unita sint, quòd melius, & firmitus jungi, & componi non potuissent. Præter os thoracis, quod sternum vocatur, & fortè ex pondere Terræ à Costis separatum invenitur. Costæ sunt omnes ferè integræ, & à parte postica vertebrae dorsi formiter, ac modò naturali sibi coherentes, & quod singulare est, Costæ sinistri lateris sunt ferè omnes adhuc succulentæ, & quodammodò oleoginosæ. Caput externè est integrum, ambabus maxillis cum dentibus ad invicem unitis; internè autem ossa Palati cum aliis vicinis consumpta. Ex Calvaria Terræ repleta, sed evacuata prodit quædam massa in figura, substantia, & colore rubro, veram linguam repræsentans, prout etiam, quòd hoc ipsum vera figura sit, bonâ conscientia judico, & dico. Ultra inveniuntur in Calvariae Occipite duæ ma-

culæ, quarum una rubro fusca, & aliquantum dura, altera autem magis nigricans, & adeò mollis, ut digitò compressa, foramen apparuerit. Quæ maculæ conjecturaliter, vel ab impactis duris ictibus, aut in violenta illa præcipitatione ad aquam provenire debent.

Ad quæsitum quintum, ut suprâ.

Respondit. Ità est, hoc possum edicere, & dico vigore à me præstiti Juramenti; quòd autem lingua miraculosè fuerit conservata, hanc reddo rationem. Cùm lingua sit talis pars, & membrum corporis, quod facillimè corrumpi solet; ista pars autem jam ultra trecentos annos incorrupta reperiatur, ideò aliter judicare nequeo, quàm quòd hæc ejusdem conservatio sit supernaturalis, & vel eò magis, cùm aliæ carnosæ, & duriores partes, præsertim autem Os Palati, corrupta sint, consequenter lingua citius in cavitatem Calvariæ decidere, & corrumpi potuerit; nihilominus tamen incorrupta fuerit conservata.

Ad quæsitum sextum.

Respondit. Hoc inde judico, primo ex Inscriptione super lapide sepulchrali facta, quam vidi, & legi sequentis tenoris: JOANNES DE POMUK. Secundò, quia hoc ipsum ità, à quo Prægæ sum, nempe quadraginta tribus annis constanter audivi, quòd iste Sanctus in hoc loco sepultus jaceat. Tertiò ponit me extra omne dubium supernaturalis conservatio Linguae, uti, & illæ in Calvaria inventæ maculæ [quas ego digito meo compressi] & desuper foramen apparuit. Quæ maculæ conjecturaliter, ex violenta præcipitatione, aut aliis duris percussionibus provenire debent.

Chirurgus Secundus D. Ferdinandus Schober.

Ad quæsitum primum, ut suprâ.

Respondit. Ego vocor Ferdinandus Schober de Hochenvurt, quinquaginta unius anni senex.

Ad quæsitum secundum ut suprâ.

Respondit. Sum juratus Chirurgus, quam professionem jam viginti annis exerceo, & practico. Sum in hac Arce Chirurgica
ab hu-

ab hujate Carolo - Ferdinanda Universitate Pragensi examinatus, & approbatus, prout etiam ibidem Juramentum deposui.

Ad quæsitum tertium, ut suprâ.

Respondit. Ego multas Anatomias tam in Italia, Anglia, quàm in Hollandia, & in Bohemia vidi, & ipsemet etiam multoties manum apposui, & etiam diversa Corpora anatomizavi.

Ad quæsitum quartum ut suprâ.

Respondit. Quamvis Corpus hoc sine carne inveniatur, nihilominus tamen ita integraliter est conjunctum, ut Ossâ meliùs, & firmiùs componi non potuissent; Os Thoracis autem sternum dictum, à pondere Terræ compressum deprehenditur, ità ut à Costis necessariò sit separatum, & disjunctum. De reliquo Costæ præfatæ inveniuntur serè omnes integræ, à parte postica, Vertebriis dorsi firmiter, & prorsùs naturali modo connexæ; & quod mirandum, Costæ sinistri lateris, potiori ex parti succulentæ, & oleoginosæ visu, & tactu apparent, Caput in sua situatione, & figura per suas vertebrae Collo debitè annexum est. Ambæ maxillæ externæ, mediantibus dentibus, sibi invicem correspondent. Internè autem ossâ Palati cum vicinis consumpta sunt sinè dubio, ex speciali DEI gratia, ut conservaretur Lingua, quæ cum copia Terræ ex Calvaria decidentis prodiit, quam ego secundùm figuram, substantiam, colorem rubeum, veram linguam judico, & firmiter pro tali teneo. Praterèa reperio in Calvariæ occipite duo vulnera, seu maculas, harum unam rubrofuscam, & aliquantulum duram, alteram autem magis nigricantem, & adeò mollem, ut modicè digitò pressa, in foramellum deciderit. Quæ vulnera, maculæ, meò judiciò, vel ex duris percussionibus, aut ex violenta præcipitatione deorsum ad aquam proveniunt.

Ad quæsitum quintum.

Respondit. Ego possum dicere, & edico, in virtute gravis à me præstiti Juramenti. In quantum autem ad linguam attinet, rationem, quòd conservatio illius miraculosa sit, hanc reddo: cum alias lingua sit subtilis substantiæ, atque ità facilè corruptibilis,

prout ego plura demortuorum capita in manibus meis habui , & observavi , ac animadverti , quòd ibi internæ partes primum fuerint consumptæ ; Hic autem contrarium invenitur , ubi nempe Os Palati , & reliquæ carnosæ partes consumptæ sunt. Lingua autem in capite , seu Calvaria , ultra trecentos annos incorrupta reperitur.

Ad quæsitum sextum.

Respondit. Id me credere facit Inscriptio super lapide Sepulchrali , quam ibi vidi , legi & audiui. Item quia à juventute mea semper , & constanter audiui , quòd Corpus hujus S. , nempe Joannis Nepomuceni , in hoc loco quiescat ; etiam conspexi , & vidi qualiter Is in eodem loco colatur , & honoretur. Præcipuè autem in hoc me dubitare non finit illa supernaturalis conservatio Linguae. Item illa supra recensita vulnera , seu maculæ , quas ego supra Calvariâ inveni , quæ procul dubio in tortura , vel ex violenta eidem impacta percussione , aut ex dejectione deorsum in aquam provenire debent.

Postea examinati supra nominati Murarii , & interrogati , quid sentiant de antiquitate Sepulchri Ven. Servi Dei Joannis Nepomuceni ? qui , in virtute à se præstiti Juramenti , unanimiter edixerunt : Illud esse antiquissimum ex ratione , quòd ab illo tempore , à quo fossus fuit , non fuerit apertum , & etiam quòd hoc appareat ex ipsa super lapide sepulchrali apposita inscriptione , caractere antiquissimò factâ , & denique quòd lapis sepulchralis in sui remotione , ut supra in actis , per medium fractus semper manserit superimpositus dicto Sepulchro , & nunquam ante hoc remotus.

Deindè repositum fuit Corpus , seu Reliquiæ , & Ossâ Vener. Servi Dei Joannis Nepomuceni suo ordine in Tumbam stanneam ad id ex professo constitutam , unâ cum Sacra Lingua Pyxidi argentæ strictè acclusæ imposita. Quæ Tumba stannea serâ clausa , & clavi Illustrissimo , & Reverendissimo D. D. Archi - Episcopo , qua Judici , ad manus consignata , iterum imposita fuit in aliam Capsam ligneam quercinâ Sigillò Illustrissimi , & Reverendissimi

D. D.

D. D. Archi - Episcopi supradicti, quâ Judicis, & Sigillò Prænobilis. & Clarissimi D. Joannis Francisci Blowsky Juris utriusque Doctoris Promotoris Fiscalis Curia Archi - Episcopalis Pragensis Deputati obsignatam, quæ Capsa lignea, cum dicta Tumba stannea, in illam (uti suprà) imposita, in locum pristinum, ubi Sacrum Corpus, exceptâ patellâ, seu Reliquia Ven. Servi Dei Joannis Nepomuceni postea reperta reposita, & Sepulchrum terrâ, quæ ex illo effossa fuit, iterum repletum, ac contextum, & lapis sepulchralis, super quo Inscriptio : JOANNES DE POMUK (de qua supra) eidem Sepulchro fuit superimpositus.

CAPUT QUINTUM.

*Beatus Joannes Nepomucenus à Benedicto
XIII. Sanctis adlegitur.*

32. INNOCENTIO XIII. terminatò nondum susceptò Canonizationis negotiò, Divina Providentia suffecit Benedictum XIII. electum 29. Maji. 1724. Hic, Pater verè Sanctissimus, sub finem 1726. triumphanti Ecclesiæ octo nova Nomina intulerat, & Sanctòrum honore consecrârat, scilicet B. B. Turibium Archiepiscopum Limanum, Jacobum ex Marcha, & Franciscum Solanum, utrumque Ordinis S. Francisci, Agnetem de monte Politiano Ordinis S. Dominici, Joannem à Cruce Ordinis Carmelitarum Discalceatorum, Pellegrinum Laziosum Ordinis Servorum B. V., Aloysium Gonzagam, & Stanislaum Kostkam, utrumque Soc. Jesu. His nonum, B. Martyrem Nepomucenum pro sua Vicarii Christi potestate adjungendum, & Sanctòrum Albo Solennitate maxima sibi adscribendum sumpsit annò hoc 1729. Celebrata jam super hoc fuerant quaterna Consistoria, Secreta duo, unum publicum, alterum mixtum ex utraque Solennitate, randémque dies 19. Martij anni currentis ipsi Canonice Apotheoseos Solennitati deputata fuit, eò consilio, quòd ea sacra esset D. Christi Nutritio, & Deiparæ Sponso Josepho, quem Leopoldus Magnus Cæsar Tutorem, Patronumque S. R. I. Regnorumque, & Ditio-

num

num hæreditariarum Augustissimæ Domûs suæ solenni forma elegerat, dixerátque. Modum porro, quò hæc Romanæ Canonizationis Solemnia Romæ celebrata fuère, sequentibus descriptum accepimus.

Parabatur sacræ huic functioni, Princeps Romanarum Basilica Lateranensis pompâ supra fidem humanam splendidâ, & veteris, triumphantisque Romæ amulâ; fabricatum in ea assurrexerat pegma, aut veriùs theatrum structurâ, cultûque longè magnificentissimâ, parietes Ecclesiæ tapetia auro, artèque pretiosa vestierant, lucem variam, multâmque, etiam noctes illustraturam, induxerant multi generis, splendoris, & artis luminaria, quæ novam rerum undique spectabilium faciem, & continuum oculis illicium reddebant. Initium solemnibus Cerimoniis dedit insignis, celeberrimâque supplicatio, ordine, temporêque longissimo ex palatio Apostolico ad Ecclesiam Lateranensem procedentium. Primus progrediebatur universus, ac in omnes Ordines suos tributus Clerus Romanus, quem subsequutus est familiæ, famulitîque Pontificii cætus; ab his locum tenuère pii religiosarum familiarum Procuratores, ac Præsides generales, quibus in Sacello Apostolico alioquî statio sua est: hos infecuti magno numero Consistoriales, Advocati, ac Capellani, qui triregni Apostolici Diadema, ac sacratas Infulas veneratione maximâ præferebant: successere ii, qui summo Pontifici à Secretis Camera obsequiis sunt, quorum seriem coronârunt conferti musices Papalis phœnasci, & philharmonici Italiæ Principes; tum, quod oculos spectantis Romæ maximè tenebat, gestabatur vexillum Divo Nepomuceno sacrum pretio, arte, & conspectu novum Cœlitem condecense, quod Collegii Germanici Alumnis bajulare concessum fuerat, utpote præferens genuinam effigiem novi hujus Germanæ Nationis Tutelarîs. Abinde procedebat Prælatorum Pontificiorum chorus complexus Curia, & tribunalum variorum Papæ Ministros, quos dicunt Abbreviatores, Referendarios, Vorantes de signatura, Clericos Camera, & Auditorum Rotæ spectabile Collegium, qui omnes superpelliceis Ordinis sui tunicis induti gradiebantur. Post hos bini, amictu Levitici Ordinis ornati, Prælati Auditores, unus sacram crucem, alter thuribulum gestans,

stans, habensque subsepos septennos alios habitu pari, quorum dexteræ ardentes cerei ornabant. Tum suis tecti Infulis Abbates, mox Episcopi, atque Archiepiscopi, ac Patriarchæ Ecclesiasticis palliis, seu pluvialibus ornati. Procedentium latera utrinque stiparant militiæ Romanæ Ordines ad arcendam concurrentis ad spectaculum populi vim, & confusionem intenti. Subsecutum denique est Purpuratum Eminentissimorum Patrum Collegium omnino triginta ritu Episcopali pluvialia, & mitras indutorum. Coronavit denique sacrum agmen sublimis in sella gestatoria Summus Pontifex, qui sub ipsum procedentis supplicationis initium progressus ad majorem Palatii sui Januam ad erectum ibi Altare, eique contiguum Thronum indumentis Pontificiis vestiebatur, tumque præcantatō Ecclesiæ hymnō: *Ave maris stella*, pluviali etiam ipse, & triregno tectus, sellam inscenderat, subsequenter Protonotariis Apostolicis, & quaternis Reverendissimis Ordinum Mendicantium Patribus Generalibus, ultimo tandem locō, Ordine suo vehiculum Pontificium comitantibus custodiæ Pontificiæ destinatis Helvetæ gentis Prætorianis, novō, splendidōque cultū insignibus.

Cū devenum sic esset in Lateranum, Summus Pontifex in templo illicō in genua procidius Numen Eucharisticum adoravit; inde deductus in solium Pontificiæ Majestate dignum, & immenso pretio conspicuum. Vix in Petri Cathedra confederat Pater Beatissimus cū Eminentissimus causæ Canonizationis Procurator Cardinalis ab Althan, primis, instantibusque precibus pro decernenda Beato Martyri Nepomuceno consecratione supplex factus est, comitantibus Purpuratum Oratorem, Apostolico Cerimoniarum Magistro, itēque Pontificiæ Curix Advocato Domino Ludovico Di Valenti, qui ex forma Romana verbis iis: *instanter* &c. preces urgebat, queis Christi Vicarius rogabatur prædicto B. Joanni supremos Sanctorum honores decernere: Quibus ex nomine Summi Pontificis responsum reddidit Reverendissimus Dominus Majella Eidem à Secretis in expediendis ad Principes Europæ literis, quo jubebantur præsentēs, ac universus populus, præ omnibus, invocare Patrem luminum ad

rectè in hoc tanto fidei negotio decernendum; quare & ipse Sanctissimus folio se suo demittens, ac in genua procidens communi orationi initium fecit, concinentibus interim lytaneuticas omnium Sanctorum preces (quibus tamen B. Joannis nomen nondum inferebatur) Pontificiæ harmoniæ Choragis. Comprecatione finita redditum Throno suo Pontificem alteris jam precibus Eminentissimus Procurator convenerat, solenni voce *instantius* &c. Sacram Apotheosim B. Joanni exigens, quibûs auditis Papa denuò in genua volutus orationi se dedit, Cardinali Diaconò ad populum versò, altæque voce inclamante: *Orate fratres*. ad quas universi in terram strati preces ad DEum fundebant, donec Cardinalis Subdiaconus signum assurgendi faceret subclamans: *levate*. Post quæ Sanctissimus Pater Divinissimum Spiritum, solemnem hymnum: *Veni Creator Spiritus* &c. præcinens adoravit, quem ubi Phonsci è Choro profecuti sunt, versusque Ecclesiasticus - *emitte Spiritum tuum* &c. subjunctus fuerat, Pontifex solitam orationem - *Deus, qui corda* &c. erectus concinuit, iterumque folio se suo restituit, cum illicò Eminentissimus Althan tertium Procuratoris munere functus est, iisque verbis: *instanter, instantius, instantissime* à Vicario Christi B. Nepomuceno Sancti nomen efflagitavit, cum Ille pro sibi data coelitùs potestate solemnibus verbis Beatum sacra Apotheoseos Candidatum Joannem, nominavit *Sanctum*, & Siggilli Sacramentalis Protomartyrem declaravit, totique Ecclesiæ Militanti pro Sancto habendum, colendumque promulgavit. Quà habitâ sententiâ petiit Purpuratus Procurator, cum D. Advocato Valenti, hæc instrumento publico consignari, itémque Apostolicas super factâ Canonizatione hæc literas edi, utrumque ipsò locò, & tempore concedente precibus Pontifice effectum est: qui è Throno demissus, & mitra positâ hymnum Ambrosianum alacris intonuit, continuante, inter festivum, multumque tubarum, ac tympanorum sonitum, Eucharisticos modulos Pontificiorum Aulædorum choro.

Intonuère simul è Castro S. Angeli tormentariæ machinæ, idque tertium, universâ simul militiâ quâ ignitûs, quâ musicis applausibûs solennitatem augente, omni etiam ære Campano totius Romæ compulsa.

pulsante. Finito - *Te Deum* præcinuit Eminentissimus Diaconus - *Ora pro nobis Sancte Joannes*, respondente solita choro, & Pontifice de eodem orationem ex more Ecclesiæ canente, ac conferto populo benedictionem Apostolicam, ac pœnarum remissionem impertiente. Inde ad missam solennem Pontifex comparatus, eam celebravit de diei ejus Sancto Patriarcha Josepho Germaniæ Patrono, unâque de novo Cœlite Nepomuceno, cujus nomen in introitu missæ ad *confiteor* nominibus Principum Apostolorum subjunctum fuit. Dum Symbolum Nicenum decantaretur, solennis oblatio peracta fuit à ternis Eminentissimis Sacræ Congregationis Rituum Præfæctis Cardinalibus, prægrediente Magistro cerimoniarum cum quaternis è familia Pontificia Officialibus, quos *Maziers* vocant, sequebatur Purpuratus binis aulicis suis stipatus, quorum uterque gestabat prægrandem 60. librarum cereum, imaginibus novi Cœlitis, itémque scutorum gentilitiorum tum Pontificis summi, tum Pragensis Metropolitanæ Capituli pictum. Alii viri duo nobiles ad idem offertorium adportabant alios geminos 30. pondo Cereos. Sequebatur secundus Purpuratus, ad cujus latera Palatini duo panes duos, alterum auro, argento alterum illitum, adferebant in medio Insigne Pontificium præferentes. Tertius denique Eminentissimus oblatum ibat per geminos aulicos suos, duo rubei, albenstisquæ vini deliola, cœ, quò panes, modò colorata. Denique finito Missæ Sacrificio sacra solennitas ipsas 6. horas continuas tenuit, Patre Beatissimo in ætate tam provectâ, vix fatigium sentiente, qui consimili in negotio, ut viribus lassandis parceret, nuper rogatus reposuerat illud se dignum: *oportet Pontificem stantem mori.*

33. Qui denique suam in hunc Sanctum Protomartyrem pœnitentiæ Joannem, venerationem contestaturus in eadem Lateranensi, ac utrique Baptistæ, & Apostolo Joanni sacra Basilica, tertio huic Joanni novum, ac insigne Sacellum exstruxit, in cujus Altaris medio, insigni penicillo, exhibetur D. Nepomucenus sacratissimam linguam suâ confidenti in Matris gremio Divino Pusioni de genibus offerens.

Namque hoc sacre Lingue ab annis 346. ab omni tabe, & corruptione præservatæ prodigium maximopere Regnantem Ponti-

ficem moverat ad B. Martyrem ritè consecrandum, præsertim, quando non tantùm in prima sacri Corporis visitatione ab Archiepiscopo Pragenſi clam, & juratò anno 1719. 15. Aprilis suscepta, sed etiam in iterata, & Canonica ejusdem Sacræ Linguæ inspectione hæc DEI magnalia visebantur, ubi delegati Judices eam invenère non modò vividam, & recentem, sed etiam, quod præſentes omnes in stuporem conjecerat, in oculis Archipræsulis, Medicorum, Chirurgorum Testium, & ad secundam hanc visitationem admissi populi confertissimi, plenam succo vivæ carni planè æmulo, sanguine recenti intumescentē, & arteriarum colore ebullientem. Acceſſerat novum eo ipſo tempore miraculum unum & alterum, quorum primo quædam Sancto devota mulier paralyſi, qua brachium ſiniſtrum adſtrictum habebat, liberata eſt; altero puella quæpiam, votò Martyri factò, proximo ſubmerſionis in flumen periculo erepta erat; quibus aliisque durante Canonizationis Proceſſu factis miraculis Cœlum ipſum Martyris honorem promovere viſum eſt.

Ad extremum, quoniam hoc vitæ Nepomucenianæ supplementum hîc Græcii Styriæ conſcribitur, omitti non debet mentio almæ Sodalitatis ſub titulo B. V. Mariæ, & B. Joannis Nepomuceni Martyris in Eccleſia Parochiali Græcii erectæ, & à S. S. D. Innocentio XIII. Brevi 5. Junij anno 1722. dato confirmatæ. quæ exemplo ſimilium Confraternitatum S. Martyris, Pragæ, Viennæ, alibi que jam dudum erectarum, ex trecentis Viris, ferè omnibus primæ Nobilitatis, totidémque ex devoto ſexu Capitibus piè coaluit. Quemadmodum hæc Illuſtris Nepomuceniana Congregatio nuperam Sancti ſui Patroni Canonizationem, ſumptibus ſuis, & pio juxta, ac ſplendido apparatu per totam S. Martyris octavam celebrârît, ſpectavit devotum Græcium, quod, quo apparatu factum ſit, diſcere, qui volet, poterit ex folio Romæ typis Monaldianis dato, explicante apparatus Romanæ

Canonizationis S. Martyris, quem hæc Græcenſis Sodalitas ſibi pro viribus imitandum ſuſcepit.

O. A. M. D. G.

SPECIAL

86-B
25767

